

影刊宋金元明本詞

第三十册



景物來金
元明本詞
備編三種

陶氏涉園刊本

明景元鈔本方是間居士小稿一卷

明隆慶本蟻術詞選四卷

明洪武本寫情集四卷

四庫全書提要

方是閑居士小橐二卷宋劉學箕撰學箕字習之崇安人劉韜之曾孫劉子翬之孫劉瑛之子也閑居不仕自號種春子家饒池館有堂曰方是閑故又號方是閑居士是編上卷古今體詩一百七十一首下卷賦及雜文二十七首長短調三十八首前有嘉定閒建陽劉淮東里趙蕃開封趙必愿

三序末有學箕自記及其門人游彬等跋
初已鋟版因兵亂散失元至正辛丑其裔
孫名張者復重刊之此編蓋從刻本影抄
者也劉淮序稱其筆力豪放詩摩香山之
壘詞拍稼軒之肩今觀集中諸詞魄力雖
少遜辛棄疾然如其和棄疾金縷詞韻述
懷一首悲壯激烈忠孝之氣奕奕紙上不
愧爲韜之子孫雖置之稼軒集中殆不能

辨淮所論者不誣至其詩雖大體出白居易而氣味頗薄歌行則往往放筆縱橫時露竒崛或傷於稍快稍麤與居易又別一格淮以爲抗衡居易則似尚未能矣

松江哨遍有序

蝶戀花 比津夜雪

賀新郎 賦白牡丹

憶王孫 清明病酒

戀繡衾閨怨

惜分飛柳絮

浣溪沙木犀

賀新郎和辛稼軒韻

同前再韻賦梅

同前再韻賦雪

滿江紅草閣避暑

同前雙頭蓮

沁園春嘆世

念奴嬌次韻柳絮

同前

菩薩蠻

同前

鷓鴣天賞雪

西江月

水調歌頭垂虹亭

醉落魄 用范石湖韻

長相思 夜醉西湖

鷓鴣天三首 離安康次漢陰魏宰韻

菩薩蠻 杏花

浣溪沙 送連景昭歸三山

眼兒媚

桃源憶故人

糖多令 登多景樓

小重山

行香子

臨江僊 泊富池岸下

漁家傲 白湖觀捕魚

菩薩蠻 鄂渚岸下

烏夜啼 夜泊揚子江

虞美人

賀新郎 送鄭林卿

方七開集卷下

四十二

松江哨遍有序

長橋天下絕景也松江大湖舉目千
里風濤不作水面砥平歸馭征棹相
望于黃蘆烟草之際去來乎橋之左
右者若非人世極畫工之巧所莫能
形容每來維舟未嘗即去倘徉延佇
意盡然後行至欲作數語以狀風景
勝槩辭不意逮筆隨句閣良可慨嘆
己未冬自雲陽歸閩臘月望後一日

漏下一鼓槩舟橋西披衣登垂虹時
夜將半雪月交輝水天一色願影長
嘯不知此身之寄於旅返而登舟謂
偕行者周生曰佳哉斯景也詎可無
樂乎於是相與破霜蟹斫細鱗持兩
螯舉大白歌赤壁之賦酒酣樂甚周
生請曰今日之事安可無一言以識
之余曰然遂隲括坡僊之語爲哨遍

一闕詞成而歌之生笑曰以公之才
豈不能自寓意數語而乃綴緝古人
之辭章得不爲名文疵乎余曰不然
昔坡僊蓋嘗以靖節之詞寄聲乎此
曲矣人莫有非之者余雖不敏不敢
自亞於昔人然捧心效顰卑不自醜
蓋有之矣而寓意於言之所樂則雖
賢不肖抑何異哉今取其言之足以

寄吾意者而爲之歌知所以自樂耳

子何哂焉

木葉盡凋湖色接天雪月明江水淩萬頃一葦
縱所之若憑虛馭風僊子聽洞簫綿延不絕如
縷餘音嫋嫋遊絲曳廼舉酒賦詩王鱗霜蟹是
中風味偏美任滿頭堆絮雪花飛更月澹蓬牕
凍雲垂山鬱蒼蒼橋卧沉沉夜鵲驚起噫倚
蘭漿兮我今恍惚遺身世漁樵甘放浪蟬蛸然

寄天地嘆富貴何時功名浪語人生寓樂雖情
爾知逝者如斯盈虛如彼則知變者如是且物
生宇宙各有司非已有纖毫莫得之委吾心耳
目所寄用之而不竭取則不吾禁自色自聲本
非有意望東來孤鶴縞其衣快乘之從此僊矣

蝶戀花

北津夜雪

燈火已收正月半一夜東風吹得寒威轉恠得
美人貪睡暖飛瑛積玉千林變道是柳綿春

尚淺比著梅花花已都零亂漠漠一天迷望眼
多情更把征衣點

賀新郎 代黃端夫

白牡丹京師妓李師師也盡者曲盡
其妙輸棋者賦之

午睡鶯驚起鬢雲偏鬢鬆未整鳳釵斜隊宿酒
殘粧無意緒春恨春愁似水誰共說厭厭情味
手展流蘇腰肢瘦嘆黃金兩鈿香消臂心事遠

仗誰寄 簾櫳漸是槐風細對梧桐清陰滿院
夏初天氣回首春空梨花夢屈指從頭暗記嘆
薄倖拋人容易目斷孤鴻沉雙鯉恨蕭郎不寄
相思字幽恨積黛眉翠

憶王孫清明病酒

淑景韶光晴晝簾外雨欲無還有流鶯枝上轉
新聲夢初醒厭厭病酒 天連碧草凝情久思
舊事不堪搔首懷人有恨水雲深又綠暗橋西柳

戀繡衾 閨怨

柳絮風翻高下飛 雨籠晴香徑尚泥 女伴咲踏
青好鳳釵偏花壓鬢垂 亂鶯雙燕春情緒攪
愁心欲訴向誰人 問道因誰瘦 撚青梅 閑歛黛眉

惜分飛 柳絮

池上樓臺堤上路 盡日悠揚飛舞 欲下還重舉
又隨蝴蝶墻東去 糝逐飄空無定處 來往綠
牕朱戶 却被春風妬 送將蛛網留連住

浣溪沙 木犀

天上僊人萼綠華
何年分種小山家
九秋風露溢
牕紗
密密翠羅攢
玉葉團團黃粟列
金花
一枝歸插鬢雲斜

賀新郎

近聞北虜衰亂
諸公未有勸

上修飭內治
以待外攘者
書生感憤
不能已
用辛稼軒金縷詞韻述懷此

詞蓋鷺鷥林寄陳同父者韻險甚稼

軒自和凡三篇語意俱到捧心效顰

輒不自揆同志毋以其迂而廢其言

往事何堪說念人生消磨寒暑謾營裘葛少日

功名頻看鏡綠鬢鬢鬢未雪漸老矣愁生華髮

國耻家讎何年報痛傷神遙望關河月悲憤積

付湘瑟人心未可隨時別守忠誠不替天意

自能符合誤國諸人今何在回首怨深次骨歎

南北久成離絕中夜聞雞狂起舞袖青蛇屢擊
光磨鐵三太息皆空裂

同前 再韻賦梅

東閣憑詩說對丰姿飄然杖屨澹然巾葛竹外
一枝斜更好玉質冰飢粲雪誰折向滿頭宣髮
水驛雲牕烟庭院更宜晴宜雨還宜月霜夜永
景蕭瑟孤芳夙與群芳別隴程遙攀條難寄
碧雲驚合桃李漫山空春艷不比僊風道骨有

瀟洒清新竒絕我被幽香相懊惱宋廣平豈但
心如鐵蜚暗度石吹裂

東坡梅詩昨夜東風吹
石裂暗隨飛雪度關山

同前再韻賦雪

曉聽兒曹說道前村踈梅莫與蔽蕭纏葛急與
呼童誅剪盡趁此江天暮雪喚小艇漁翁鶴髮
凜冽寒風吹酒面與何人共泛山陰月歸浩歎
御琴瑟世寰恍惚山川別望瓊樓玉宇相映
爛銀環合水柱雪車新句就不療饑腸病骨奈

野鳥千山飛絕我笑書生貧亦甚誦布衾歲久
寒如鐵兒惡卧踏裏裂

滿江紅避暑

午轉槐陰正炎暑侵肌似醉問何處披襟散髮
解衣揚袂倚沼茅亭楊柳綠倚崖草閣梧桐翠
喚玉人纖手掬清泉生涼意 開枕簟浮瓜芡
瓊液淺歌喉細對文禽雪鷺助成幽致十頃碧
蓮瀟灑國萬竿脩竹清涼世筭此時情緒有誰

同吾儂自

同前雙頭蓮

一柄雙花低翠蓋呈祥現美人正在薰風亭上
滿襟如水二陸比方誇俊少兩喬相並修容止
雨初晴午永闌紅酣真竒耳 雙白鷺雙鱗鯉
飛與泳俱來此綰雙鬟天上侍香童子雙劍豐
城雙孕秀雙鳧鄴縣雙趨起謾空談國士本無
雙今雙矣

沁園春嘆世

浮利虛名筭來何用蝸角蠅頭笑勞生一夢兩
輪催逼脆如朝露輕若春漚有限精神無窮世
路劫劫忙忙誰肯休堪驚嘆嘆癡人未悟終日
營求百年光景雲浮把氣馬心猿須早收有
真僊秘訣殞霞導引丹砂鉛汞早與身謀閑是
閑非他強我弱一任從教風馬牛還知道上蓬
萊穩路八表神遊

念奴嬌次韻范正之柳絮

水軒沙岸午風輕飄動一天晴雪日色晶熒光
眩眼細逐遊絲明滅簾幕中間樓臺側畔渾是
瑤瑛積綴松黏竹恍然如對三絕 遙認髣髴
飛花花非還似惱亂多情客點滌春衫無定度
又轉沉香亭北密密踈踈斜斜整整侶雪難分
別坡僊不見後人有口何說

同前次人韻

斷虹開霽淨秋容
點點初收微雨夕
下生陰山影澹縹
渺烟雲吞吐烏帽
風偏青鞵沙軟誤
入桃谿塢多情鷗
鷺偶來忽又飛去
日暮修竹佳人霧
綃瓊佩綽約疑僊
侶愧我禪心春盡
絮不逐東風飛舞
紅葉題詩紫雲傳
恨密意渠能訴此
情踈隔不關樓外
煙樹

菩薩蠻

暮濤掀浪溪流急
單衣未試春寒力
是處綠陰

穠春深楊柳風 人依溪岸住酒美忘歸去巢
燕墮芹泥幽禽花外啼

同前

鴉兒學畫猶嫌醜 佯羞步步隨嬾後春淺瘦花
枝凝愁爲阿誰 那回筵畔見有意相留戀只
恐後期愆章臺飛柳綿

鷓鴣天賦雪

樓外銀屏入望賒樓前鷗鷺舞交加穿林浙瀝

飛瓊屑度嶂續紛紛過柳花
歌白雪醉流霞晚
寒寒似夜來些明朝酒醒
掀簾幕簾幕依然賣
酒家

西江月

世事從來無據人生自古難憑
茫如天水有雲
萍聚散任他形影
每恠東陽瘦損常嗤騎省
多情如今我也瘦稜稜却喜青
音兩鬢賔

水調歌頭飲垂虹

三載役京口十度過松江垂虹亭下烟水長是
暎蓬牕釣得錦鱗或鱸快把霜螯浩飲豪氣未
能降醉舞影零亂心逐浪春撞景蒼茫歌歎
乃石空磴蕙葑深處適意魚鳥自雙雙便擬輕
舟短棹明月清風長共與世絕紛尤嘉遯有真
隱不羨鹿門龐

醉落魄

用范石湖韻

江頭離席晚潮雙櫓催行色往來屬玉雙飛白

笑我多情猶作未歸客
紅塵奔走何時息
歸心還似投林翼
角巾醉裏從歌側
獨立東風天際露岑碧

長相思

西湖夜醉

湖山橫湖水平
買箇湖舡一葉輕
傷湖隨柳行
秋風清秋月明
誰搗秋砧烟外聲
悲秋無盡情

鷓鴣天

發舟安康
勿遊見留
往復三用韻

芳草萋萋入眼濃
一年花事又忽忽
吐舒桃臉

今朝雨零落梅粧昨夜風 雲接野水連空畫
欄十二倚誰同兩眉新恨無分付獨立蒼苔數
落紅

同前

夢遶天涯去意濃客愁春恨兩怱怱綠波初漲
桃花浪畫鷁輕隨柳絮風 無筆力判虛空關
山千里兩心同魚書鴈字都休問只看啼痕翠
袖紅

同前

山色都如歸興濃
春融融處客忽忽
岸花影裏鶯吟霧
江閣陰中燕受風
凭盡楯睇層空情
待說幾時同不如
且盡尊中綠圖得
醕醕醉臉紅

菩薩蠻 杏花

昨日杏花春滿樹
今晨雨過香填路
零落軟隰脂濕紅
無力飛轉頭
春易去
春色歸何處
待

密與春期春歸人也歸

浣溪沙送連景昭歸三山

來日江頭柳帶香去時籬下菊花黃
人生離別幾淒涼
拂面紅塵飛冉冉
背人白日去堂堂
尺書休負鴈南翔

眼兒媚

十年不見柳腰肢
契闊幾何時
天遙地遠秋悲
春恨只在雙眉
鴈聲今夜樓西畔
情係眇難

期杏花風景梧桐夜月都是相思

桃源憶故人

暮霞散綺西溪浦天上晴雲開絮清絕梅花幾
樹惱亂春愁處小橋流水人來去沙岸浴鷗
飛鷺誰畫江南好處著我閑巾屨

糖多令 登多景樓

何處浣離憂消除許大愁望長江衮衮東流一
去鄉關能幾日纔屈指又中秋 蘆葉滿汀洲

沙磯小艇收醉歸來明月江樓欲把情懷輸寫
盡終不似少年遊

小重山

春水東流一葦杭春清剪不斷漢江長江花江
草為誰芳渾不似沙暖睡鴛鴦且道不思量
怕他知得後痛肝腸路遙闊水茫茫成病也
我怎禁當

行香子 鄱陽魚

雪白肥鱸墨黑脩鮎柳穿腮小大相兼金刀批
鱸鮮活甘甜或時或時煮或時醃 擅腕佳
人玉手纖纖縷銀絲取意無厭羹須澹煮滋味
重添滴兒醢呷兒酒撮兒鹽

臨江僊富池岸下

人在空江烟浪裏葉舟輕似浮漚此心無怨也
無憂漢江迷望眼袞袞直東流 兩岸荻蘆青
不斷四山岡領綢繆晚風吹袂冷颼颼誰知三

伏暑全似菊花秋

漁家傲
白湖觀捕魚

漢水悠悠還漾漾
漁羽出沒穿風浪
千尺絲綸垂兩槩
收又放月明長在烟波上
釣得活鱗
鰕縮項
筍成玉液香
浮醖醉到自歌歌
自唱輕裊纜
碧蘆紅蓼清灘傍

菩薩蠻
鄂渚岸下

煙汀一抹蒹葭渚
風亭兩下荷華浦
月色漾

浮波流月自留
若耶溪上女兩兩三三去眉
黛歛羞娥採菱隨擢歌

烏夜啼夜泊陽子江

長亭急管生愁楚天秋落日寒鴉飛盡水悠悠
紅蓼岸白蘋散浴輕鷗人在碧雲深處倚高樓

虞美人

寒來暑往何時了世故催人老一人口插幾張
匙何用波波劫劫沒休時
饑來喫飯困來睡

莫把身為累誰能較短與量長落葉西風一夢
熟黃梁

賀新郎送鄭材卿

莫向愁人說嘆人生不如意事十常七八是則
中年傷懷抱客裏何堪送客又添取一襟悽咽
岸柳凋零秋容澹黯銷凝怎忍輕攀折重會面
甚時節 杏花麗日梅花雪記當時一觴一詠
楚雲湘月別後君休勞春夢轉眼江南塞北莫

謾被閑愁縈結且判離筵今夕醉霎時間便見
蘭舟發空悵望水雲闊

方是閑居士小藁下卷終

蟻術詞選目錄

一卷

令

擬古十首

河傳

擬花間
春日宮詞

蝶戀花

擬雪堂
夜宿西掖

鳳來朝

擬清真
別

臨江仙

擬無佳
水盤過雨

賣花聲

擬順菴
早朝應制

杏花天

擬白石
垂虹夜泊

小重山

擬梅溪
尊前贈妓

鵲橋仙

擬稼軒
中原懷古

浪淘沙

擬遺山
浙江秋興

唐多令

擬龍洲
錢塘曉渡

浪淘沙

錢南金疾作
代簡問訊

浪淘沙

晚聽過雨

浪淘沙

感舊

虞美人

柳濱泛荷

虞美人

謝張芳遠
惠杏花

虞美人

水仙

虞美人

壬子歲元夕與邾仲義同客橫泖義約予偕作詞紀節序予應之曰古人

有觀燈之樂故形之咏歌今何所見而為之乎義曰姑寫即景可也夜枕不寐遂成韻語時予有子夏之戚每無歡聲詰朝見而義詞竟不成云

河傳

戲效花間體
二首

河傳

戊戌歲暮吳中客樓夜思

浣沙溪

早春
二首

浣沙溪

暮春雜興
二首

浣沙溪

春感

浣沙溪

丁酉早春試筆東錢南金

浣沙溪

折花仕女圖

一落索

新柳
二首

南柯子

次韻衛立禮春樹蹋月

減字木蘭花

秋思

減字木蘭花

崔女郎像

減字木蘭花

吳江夜泊

清平樂

碧桃

清平樂

梨花

戀繡衾 初夏

戀繡衾 辛丑元日

戀繡衾

曹幼文以庚午歲太初老禪泊雲西居竹二翁燈夕所賦舊藁見示求予

追和屈指三十餘年三老仙去久矣今昔之感不能已於言也時至正辛丑上元日

後庭花

擬古二首

二卷

令

追和趙文敏公舊作十首

點絳脣

無題

點絳脣

著色苔梅

感皇恩

憶梅

江城子

水仙

蝶戀花

無題二首

虞美人

無題二首

浪淘沙

無題

太常引

無題

風入松

南金寓樵李子客海隅寄此以敘間濶

風入松

與李仲輿敘舊

風入松

白仁甫集中木蘭花悞結句云二十

生每歎賞之一日作清平樂贈一道人未

云未試囊中餐玉明朝且入藍田自以為

得意時舉以似人仍索予試作一
時陸彥文夏士賢諸子正有出郭行春之約乃

江月晃重山

中秋客廳

江月晃重山

辛丑上元前一夕積雪試晴頓

館者慨然感興以此寫之

凭闌人

題曹雲西翁贈妓小畫

古調笑令

暮春三首

昭君怨

擬古

阮郎歸

次韻南金早秋夜思二首

西江月

東城仗田

西江月

賦陶九成甕
滿朝光書室

西江月

酒闌與南金
徜徉村巷

訴衷情

夜思

太常引

寒夜
次韻黃伯陽

太常引

次韻伯陽雪
中

菩薩蠻

新秋夜涼浴
露坐二首

菩薩蠻

蘇小小像

謁金門

秋望
二首

點絳脣

暮登新安鎮
城樓二首

點絳脣

秋夜橫柳旅牕
聽雨有懷故園

點絳脣

高照菴先生宋朝遺老也嘗有長短
句云夢遶荆溪癩肥村甕滿每誦之

自可想見村落秋深景物近見吳楚舟誦
而涵泳不已有當予心故述即景且期後

約

江城子

癸丑歲季夏下澣信步至漁溪潘氏
莊暑雨初霽夕照穿林與吳楚舟坐

綠樹間適行囊中有松雪翁所書江城子
逸態飛越不忍釋手因依調口占以寄清

興古人云人生百年間大要行樂耳卒章以此意為消憂之勉云

花間訴衷情擬古二首

花間訴衷情追配曹居竹翁舊作

鬲溪梅令和南金駕湖舟中韻玲瓏四犯秋感

暗香吳中顧氏舊時月色亭陸壺天倡始用白石先生元韻以詠黃一峯持卷索賦

掃花遊春晚次南金韻氏州第一丙申冬次錢素菴韻

木蘭花慢蘇昌齡過曹雲翁貞溪故居賦詞致慕蘭之感幼文來致其意求次

卷韻入

長亭怨慢楊花

渡江雲庚戌臘月九日與邾仲義同往江陰是夕泊舟無錫之高橋亂後荒寒茅

葦弭望朔吹乍靜山氣乍昏復明起與仲義登橋縱目霜月遍野情懷恍然口占紀

行求仲
義印可

八聲甘州 次錢思復懷錢塘舊遊韻

法曲獻仙音 寄壽雲西老人時吳興張石隱
武林謝長源會稽胡伯大海隅

王子章皆留老人賓
館三月二十八日也

滿江紅 丙午重陽前二日雨
霽四涇倚闌望九山

滿江紅 已酉九日雨中
蒙亨林姪唐元望元泰元弘昆季六

人皆常年同萸菊者一載之間俱罹患
難各天一方信筆紀懷有不勝情者矣

洞仙歌 賦孫明林水
光山色舟 江城梅花引 已卯除

江城梅花引 陸壺天錢素菴二老相會皆有
感懷承平故家之作索予次韻

而不及當道作者蓋
俯念州木之味也

祝英臺近 和雲西老
人秋懷韻

紅林檎近

水村冬景次
錢素菴韻

紅林檎近

冬雨晚晴次
謝士英韻

春草碧

次韻素菴遣懷

隔浦蓮

水檻晚晴

三卷

慢

蘭陵王

春日寄錢塘諸友

蘭陵王

王彥強以暮春有懷吳中故居之作見示此公蜀故家因以蜀語次韻答

之

蘭陵王

歲晚憶王彥強而作

八歸

庚辰七夕與衛立禮同用此調

八歸

秋夜詠懷寄錢南金

摸魚子

歲晚感懷寄南金

摸魚子

寒食雨中

摸魚子

題王德璉山居圖

摸魚子

吳門客中九日
次魏彥文韻

摸魚子

甲辰季秋與夏頤貞同在吳門屢有
登山之興夕雨不果重陽日友人羅

仲達以節物為具同席數人意頗歡適乙
巳九日在九山之東四水上酒闌散步夕

陽依依岡巒在望興懷往事不能無述未
知明年又在何處駒隙如馳行樂能幾所

謂難逢開
口笑也

賀新郎

沙德潤任以南相與追和貫酸齋
琵琶詞韻拉平同賦第元韻出入讀之

不純也

賀新郎

題王德璉
水村卷

賀新郎

曹園紅梅數種十餘樹雲西老人手
植也時殊事異殘枝存者無幾其孫

幼文命客飲于其下永嘉曹新民賦詞為
詠子適有出不與越數日幼文持卷來求

次韻席上
口占以答

沁園春

龍洲先生以此詞咏指甲小脚為絕
代膾炙繼其後者獨未之見彥強康

兄示我眉目二作真能追逐古人於百歲
之上不既難矣暇日偶於衛立禮座上以
告孫季野文為之擊節不已因
約相與同賦翼日而成什焉

沁園春 無題

沁園春 早春兩
中遺懷

風流子 次李仲輿
秋思韻

霜葉飛 小溪歲晚與南
金夜坐今韻

花心動 黃伯陽歲晚見梅適遇舊賦以贈別
持竹卷來求孫果翁衛立禮泊予片

和

花心動 贈散妓蟾
宮秀

南浦 次韻荅南
金見寄

西河 一春索居况味
殊惡賦此紀懷

四卷

慢

六州歌頭

戊申歲一春強半風雨不可出戶者至有兼旬之久三月九日寒食

烟雨中望鄰牆桃花殆欲零落感人事之不齊歎芳時之易失信筆紀述斐然成章桓司馬謂樹猶如此人何以堪今乃信之矣

東風第一枝

年來逆境驅馳不知歲序之有遊賞忽忽春風徒起浩歎庚辰

新正與南金剪燈小酌今題寫懷追念古人樂事今無一在眼時於文字中見其一二遂合想像舊事為之然心之所好亦寂寞中一樂也予得此調南金得春從天上來

東風第一枝

春來兼旬寒氣不減舊臆正月廿二日曹雲翁招飲聽雨西牕

南金偶道及前作翁欣然命筆次韵故又口占為謝

春從天上來

次南金早春韻

齊天樂

甲戌清明雨中感春

齊天樂

巳卯春客樓雨中懷小故人行樂

齊天樂

戊子清明次曹雲翁韻

齊天樂

甲午七月望後橫泖客舍驟雨頓涼秋聲滿樹小窓暮倚四無人敲暝色

凝烟不勝懷黯闔戶呼鏗著此以紀旅思

齊天樂

乙未春暮錢素菴見和前韻再歌以謝之

齊天樂

戊戌冬初領省檄會無錫州將李正卿同檢踏屯田秋稼此邦兵餘民居

蕩析皆黃茆白骨之境眼界殊惡李侯索賦道間口占復命

齊天樂

次韻王原吉龍江別業

齊天樂

張翔南寓金陵時嘗有寄金子尚魏彦文泊諸詞友之作乃辱彦文見念

獨以賞音見許而不知予頻年連嬰逆景久疎詞筆非復向時懷抱矣申秋杪邾

仲義持示詞卷且辱彦文寄聲併索近作入卷乃為倚歌二闕其一以荅彦文其一

以喜翔南還家

齊天樂

寄張翔南

霓裳中序第一 中秋後二夕對月

疎簾淡月 和黃伯成吳興道中韵

角招 故園舊有老梅數樹自庚午至庚辰十載之間六遭巨浸無一存者年來惟起

步月前村之歎辛巳正月廿四日曹雲翁以紅萼一枝見予風度絕韻舊感橫生念

之不置因綴此闕為解併以謝翁焉 角招 次黃伯陽若溪舟中韻

憶舊遊 追和魏彥文 水龍吟 戊申燈夕雲間城中作

蟻術詞選目錄 畢

蟻術詞選卷之一

元雲間邵復孺著

明新都汪 稷校

令

擬古十首

樂府十擬并陽老人爲古人所未爲素
菴先生復盡并陽所未盡可謂一出新
意矣暇日先生以詞藁寄示且徵予作
旣又獲見構李諸俊秀所擬益切奇出
閱誦累日無厭因悟古人作長短句若
慢則音節氣驟又各不類往往自成一

家至于令則律調步武句語苦無大相
遠者間有奇語不過命以新意亦未見
其各成一家也所以令之擬為尤難強
欲逼真不無蹈襲稍涉已見輒復違背
由是未易苟措茲重以先生之請思索
且得十解未知其實能似古人與否惟
先生有以教焉至正二年二月甲子序

弁陽周草廬號
素菴錢子雲號

河傳

擬花間

春日宮詞

春殿簾捲鬱金香
遠午漏沉沉柳陰樓前怨
紅何處尋
沉銓玉溝流水澗
睡起長門催侍宴
情正勸強把鏡

奩展露柔莢添黛眉步移君王猶訝遲

蝶戀花

擬雪堂

夜宿西掖

蓮燭煙銷深院裏玉宇瓊樓夜色明如洗月到紫薇花
樹底闌干露重無人倚金鑰無聲門不啓華髮蕭蕭
尚擁青綾被聽盡樓頭更漏水一鼓唱曉鷄人起

鳳來朝

擬清真

汴隄送別

駐馬隋堤路怨凌波背人喚渡正琵琶撥到傷情處又
底事便輕去日照啼紅無數酒杯乾再三細語轉首
又天涯暮怎約得畫橈住

臨江仙

擬無住

水檻過雨

一滴天瓢蠲溽暑夕陽微漏殘紅竹闌乘興倚薰風笑

驚雙白鳥飛過藕花藂 羽扇綸巾閒到我百季世事
匆匆若耶溪上舊相逢晚來回首處山色有無中

賣花聲

擬順菴

早朝應制

煙樹重重春在景陽宮殿翠 深籠寒尚淺千官過處
有黃鸝百轉五雲中漸移龍扇 鈞天九奏迤邐霞觴
催獻笑聲喧霓裳舞遍香烟滿袖更宮花迎面喜新來
太平重見

杏花天

擬白石

垂虹夜泊

月明消却娃宮酒聽吹笛清寒滿袖向時雙槳載離愁
去後幾春風待問柳 謾回首三江渡口念西子如今
在否上方鐘動客船開別夕寄新詩興未有

小重山

擬梅谿

尊前贈妓

綠鬢低低壓翠鈿
覆眉彎似月
鬪嬋娟
夜涼和袖拂冰
絃嬌無奈何
況酒尊前
歌罷意悠然
一聲新鴈過
暗愁牽
明朝江上水
連天凌波步
萬一故人憐

鶴橋仙

擬稼軒

中原懷古

殘陽隴樹寒煙塞
草戲馬臺前
秋老黃河日日水東流
斷送却英雄多少
西秦笳鼓東山寄傲
萬事付之一
笑閒來繫馬讀殘碑
又目斷江南飛鳥

浪淘沙

擬遺山

浙江秋興

紅葉滿青山
掩映溪灣
柴門鷄犬白雲間
江上艸堂塵不到
老子心閒
霜後橘闌斑
籬籬香殘
夕陽回首一

憑闌世事悠悠吾老矣且放杯乾

唐多令

擬龍洲

錢塘曉渡

晨色動征衣疎鐘隔翠微小蓬萊烟樹高低潮去潮來
吳越恨江上月故依依人老昔遊非愁多春夢稀舊
相思重見無期蘇小門前楊柳樹應折斷最高枝

浪淘沙

錢南金疾作代簡問訊

秋意滿平蕪夢繞蓴鱸一江烟水鴈來初昨夜西風吹
杜若渺渺愁予人隔楚天隅相望躊躇想應多病故
人疎門巷淒涼誰買賦瘦也相如

又

晚牕過雨

楊柳弄黃昏不掩重門長條盡是舊愁痕獸自倚簾看

晚色無限消魂 風雨小溪渾春過三分明朝鷺燕又
紛紛唯有天涯芳艸怨依舊王孫

又

感舊

江外雨初收江水悠悠舊時桃葉去難留幾度春風楊
柳暗不繫離舟 別久減風流夢斷西樓年年二月踏
青遊不是沙邊無杜若嬾寄閒愁

虞美人

泖濱泛荷

南風十里平湖外夜舞凌波隊米家書畫滿船頭更著
小憐歌舞障清愁 烏紗不共人間暑別有談玄塵近
來嬾作斷腸聲只怕花能解語又多情

又

謝張芳遠惠杏花

閉門日日聽風雨不道春如許
老來猶自愛看花及至
看花雙眼被愁遮
杏花不改胭脂面
愁裏驚相見
花枝猶可慰愁人
只是鬢鬢短髮不禁春

又

水仙

幾年不見凌波步
只道乘風去
山寒歲晚碧雲寒
驚見飄蕭翠袖倚琅玕
玉盤承露金盃勸
幾度和香黠冰霜如許
自精神知是仙姿不汙世間塵

又

壬子歲元夕與邾仲義同客橫泖義約
予偕作詞紀節序予應之曰
古人有觀燈之樂
故形之咏歌
今何所見而爲之

乎義曰姑寫即景可也夜枕不寐遂成
韻語時予有子夏之戚每無歡聲詰朝
相見而義詞竟不成云

客牕深閉逢三五不恨無歌舞天時人事總悽然只有
隔牕明月似當年老夫分外情懷惡無意尋行樂眼
前觸景是愁端留得歲寒生計在蒲團

又

無情世事催人老不覺風光好江南無處不蕭條何處
笙歌燈火做元宵承平父老頭顱改就裏襟懷在相
逢不忍更論心只向路傍握手共沈吟

河傳

戲效花間體

庭院春淺重門深掩寂寞東風睡濃起來繡窗花影重
嬌慵宿粧凝淡紅待把睂山臨鏡畫還又罷却放翠
簾下畫樓閒樓外山倚闌只愁相見難

又

春晝勸繡輕揜羅袖背倚秋千杜鵑年年惱人三月天
錦牋空將心事傳小玉偷移箏上鴈絃索斷驚起睡
鴛散粉牆西楊柳堤馬嘶誰家遊子歸

又

戊戌歲暮吳中客樓夜思

樓迴人靜雨搵燈影夢繞天涯路賒水邊小梅開幾花
人家酒旗何處斜客路冰霜驚歲晚情緒懶長是念
疎散小溪濱猶有春故人幾時相見頻

浣沙溪

早春

殘雪樓臺試晚晴
鎖香簾幙釀微醒
淺寒燈市有人行
別院金刀裁白苧
誰家銀燭度
珠箏早春天氣已關情

又

金碧圍屏小博山
錦籠鸚鵡舊雕闌
黃金楊柳弄輕寒
翠帳半垂鴛鴦結帶
朱門雙掩獸連環
東風猶鎖黛眉彎

變

又

暮春雜興

竹檻雲牕古畫圖
煙隄花島小蓬壺
晝長人靜鳥相呼
玄壁光浮銅雀研
紫綿香冷博山爐
半歌高枕當人

扶

又

雨過池塘綠水生竹陰深處小橋橫魚吹翠浪柳花行
獨倚曲闌魂欲斷沉思傾國句難成忽忽春晚更傷
情

又

春感

西子湖頭三月天半篙新漲柳如煙十年不上斷橋船
百媚燕姬紅錦瑟五花宛馬紫絲鞭季季春色暗相
牽

又

丁酉早春試筆東錢南金

亂後無詩做好春春光却又惱詩人溪頭舉目暗傷神

楊柳官橋人跡絕
杏花歌館燒痕新
相期何處避兵塵

又

折花士女圖

折得幽花見似人
沈吟無語不勝春
采香徑裏鞦韆生塵
濃綠正迷湘北渚
軟紅不入宋東鄰
一春幽恨幾回新

一落索

新柳

陌上東風初轉暗
黃猶淺金鞭拂雪
記章臺是幾度朱
門掩千縷柔絲
迎面吹笙人遠
粧樓如冷繡簾垂
恐悞了雙雙鸞

又

縷縷鶯黃拂曉弄烟輕
裊空春花外萬絲金
記朝罷鶯啼早
學舞楚膏猶小
不禁寒悄
近來張緒減風流
又恐被蛾眉惱

南柯子

次韻衛立禮春街蹋月

門掩黃昏後風銷絳蠟時
行春小隊夜參差
一曲僊音飛上廣寒枝
不訪金釵客
空歌白苧衣
畫橋梅影散
玻璃月底婆娑帶得暗香歸

減字木蘭花 秋思

錦屏香斷誰在朱樓吹玉管
喚起淒淒不似河橋聽得時
雲階月地長憶青燈啼絡緯
秋滿閒門斷送潘郎瘦幾分

又

崔女郎像

紅粧傾國人在蒲東誰畫得玉骨成塵往事流傳恐未
真月明牕戶猶似隔牆花動處夜冷西廂一度魂歸
一斷腸

又

吳江夜泊

江頭日暮客子移舟迷去路望斷天涯燈火深却賣酒
家銅駝巷陌荒草寒鷗煙樹隔往事無情舊夢依然
到五陵

清平樂

碧桃

瑤笙吹罷月滿僊臺下
詞扇半欹羞澹冶
一點芳塵不惹
臨溪更洗殘粧
低回王洞春光
換却當時脂臉
後

教惱殺劉郎

又

梨花

綠房深窈踈雨黃昏悄門掩東風春又老琪樹生香縹
緲一枝晴雪初乾幾回惆悵東闌料得和雲入夢翠
衾夜夜生寒

戀繡衾

初夏

柳花零亂愁滿天又江城啼老杜鵑小連院雨初過櫂
歌聲驚起晝眠微風搖蕩湘簾影浪花斜輕裊篆烟
間白苧裁成朱剪刀猶憶去年

又

辛丑元日

門前爆竹兒女喧野人家時序尚然盡說衛春來好老

來人長怕換季 東風到底無涯岸也殷勤相過小園
第一是朱顏改縱花開羞插髻邊

又

曹秀文以庚午歲太初老禪泊雲西居
竹二翁燈夕所賦舊藁見示求予追和
屈指三十餘年三老僊去久矣今答之
感不能已於言也時至正辛丑上元日

重逢元夜心暗驚憶當年諸老放情對芳景張燈火畫
堂深簫鼓到明 烏衣巷口東風在甚而今春艸亂生
試檢點繁華夢有梅花曾見太平

後庭花

擬古

銅壺更漏殘紅粧春夢闌江上花舞語天涯人未還倚樓閒月明千里隔江何處山

又

剡船鸚鵡洲題詩黃鶴樓金谷銅駝夢湘雲楚水愁少年遊好懷依舊故人還在不在

蟻術詞選卷之一

長洲吳曜書
表宸刻

蟻術詞選卷之二

元雲間邵復孺著

明新都汪稷校

令

追和趙文敏公舊作十首

客有持文敏公手書所作小詞一卷見
示者且求作長短句題于後公以承平
王孫而嬰世變離黍之悲有不能忘情
者故深得騷人意度予生十有四季而
公薨每見先輩談公典刑問學如天上
人未嘗不神馳夢想替東坡先生自謂

不識范文正公爲平生遺恨其意蓋可想見此卷辭翰不忝古人藹然貞元朝士大意以謂擬古之作魏晉以下由來久矣僭以已意追次元韻其於先哲風流文采或可備高唐想像之萬一云

點絳脣

擾擾行藏百年世事悲歌裏歡娛有幾不倦青鞵敝

昨夜東風暖透鴛鴦被春歸未故園山水青眼何曾昧

又

著色苔梅

萼綠仙人孤山雪後相逢處舊時村路璨璨琅玕樹
玉出藍田不受纖塵汙長懷古羅浮風度夢逐么禽去

感皇恩

憶梅

客裏訪南枝幾番愁惱石逕蒼苔倩誰埽江畔人家籬
外一枝開早雪中回首處春猶好如此清香寒豔應
飽醉帽斜簷任欹倒而今相見那似向時懷抱舊遊長
入夢孤山道

江城子

水仙

凌風翠袖興飄然步蹊蹊憺忘言淨洗明妝不與世爭
妍玉質全相清韻絕端可擬月中仙天寒日暮水雲
邊忍相捐意難傳回首珠宮貝闕不勝寒環佩珊珊香
冉冉誰敢與鬪嬋娟

蝶戀花

出言卷二
二
鶯子樓邊春意早樓上紅粧何似當時好一自畫眉人
去了夢魂暗逐天涯草 蹋蹋馬蹄江路杳數盡歸期
屈指東風老惆悵一春歡事少幾回月落紗幮曉

又

湖上雙雙新燕子飛過垂楊認得朱門裏回首向時歌
舞地幾番惆悵尋鄰里 觸景愁多心似醉倚遍闌干
目斷春山翠忽見呢喃華屋底等閒牽動離人淚

虞美人

天台洞口桃開了無奈劉郎老多情何苦歎途窮人與
花枝都在暗塵中 箇人那日猶癡小簾底秋波渺別
來幾度見春風應是門前花落水流東

又

天涯綠遍王孫草
魂夢長飛繞
長安無復麗人行
只有青山依舊向人明
平泉金谷俱陳迹
古路荒苔碧
金鞍去去不思歸
不道綠牕深處故人非

浪淘沙

佳麗古神州
畫出營丘
龍飛鳳舞小瀛洲
一自水流東去後
多少離愁
湖上汎龍舟
歌吹悠悠
翠華黃屋舊曾遊
王氣消沈遺恨在
烟水空流

太常引

蓬壺閬苑景飄蕭
青玉案紫鸞簫
五彩鳳皇毛記曾覽
彤廷奏韶
夕陽回首漢家陵
闕霜露滿
岵嵒說著舊

遊遨便想起風流二喬

風入松

南金寓樵李子客海隅寄此

以敘閒濶

十年心事暗相牽收拾此燈前
向來行樂匆匆過到如今想像依然
踏月幾番鄰巷看花長共唵船
故人一別阻斜川曾記遠遊篇
新來我亦長爲客把故園分付
寒烟縱使此回相見好懷不似當年

又

與李仲輿敘舊

小溪溪上十年遊酌酒對花謳竹西歌吹曾同賞到如今
夢裏揚州綠髮潘郎老大近來懶說風流
故人握手話綢繆重問舊盟鷗五陵風度猶無恙算閒身底事

沉浮莫說烏衣巷口夕陽都是新愁

又

白仁甫集中木蘭花慢結句云二十四
橋明月玉人何處吹簫一峯黃先生每
歎賞之一日作清平樂贈一道人末云
未試囊中餐玉明朝且入藍田自以爲
得意時舉以似人仍索予試作一解時
陸彥文夏士賢諸子正有出郭行春之
約乃綴此復命且訂其盟先生對客擊
節不已

當年曾過宋東鄰汗漫踏芳塵如今記得懽遊處畫橋

橫綠水粼粼借問酒家何處牧童遙指華邨 近來樂
事底因循春又過三今百年能幾開懷抱繞天涯芳艸
銷魂但願有錢畱客也勝騎馬人門

江月晃重山 中秋客牕

碧樹天香帶露朱樓翠袖歌寒夜深人醉碧闌干玲瓏
影長是隔簾看 又見遶前素魄何堪鏡裏朱顏十年
一夢此身閒西窗悄詩興頗相關

又

辛丑上元前一夕積雪試晴頓有春意
小溪之上有張燈于琳館者慨然感興
以此寫之

梅萼香融霽雪簷牙煖溜懸冰出林幽鳥動春聲元宵
近愁裏夢還驚 村巷依然素月寒窓祇是青燈難尋
遺老問承平南朝事千古獨傷情

凭闌人

題曹雲西翁贈妓小畫

誰寫江南 段秋粧點錢塘蘇小樓樓中多少愁楚山
無斷頭

古調咲令

暮春

雙燕覆鶯飛過柳梢不見舊時王謝堂前回首斜陽暮
烟暮烟暮烟烟暮芳草落花滿路

又

春水春水薄暮曲闌更倚夕陽江上青山山外行人未

還未還未還還未千里相思不寄

又

官渡官渡猶記畫橈去路小憐歌扇誰尋歲歲東風恨
深恨深恨深深恨風外落紅幾陣

昭君怨

擬古

江外誰家雙槳激破浪花微響金翠小鴛鴦對悠揚
望斷涔陽極浦不是淩波歸處行過画橋陰又沉吟

阮郎歸

次韻南金早秋夜思

暮雲隔樹起秋陰晚來涼漸深清商瑟瑟和微吟虛堂
風露侵鄰燭淡寺鐘沉青綾懷舊衾故家風度杳難
尋與誰論素心

又

茂陵多病不勝秋，多情還倚樓。隔江何處泊離舟，有人
歌遠遊。一清興在此生，浮老來長是愁。西風吹夢白蘋
洲，舊鷗今在不。

西江月

東城夜思

古屋深燈弄影，巖城怨角催更。掩門欹枕柰微醒，巷陌
烏聲初靜。客裏依然好景，年來底事無情。嫩寒已透
讀書屏，舊恨不堪提省。

又

賦陶九成甕

土室融融曙色，山窗晏晏春眠。東風和氣滿壺天，依約
鏡奩初展。晴散茅簷雲彩，暖浮紙帳香煙。一枝花影

弄嬋娟染就素羅團扇

又

酒闌與南金徜徉邨巷各信

意小述

故舊今成二老歡遊長記當時山中吟屐夢中詩多少
晉人風致但得諸郎俊拔不嫌我輩衰遲殘季飽飮
話心期如此差強人意

訴衷情

夜思

滿城鐘鼓夜初寒人靜揜重關驚鳥飛繞庭樹月已上
闌干微有興澹無歡小盤桓良宵如許香冷金猊夢
繞青鸞

太常引

次韻黃伯陽寒夜

玉梅花底舊青燈照我鬢星星寒透遠山屏無夢到春
壚酒餅江空歲晏路迷人遠消得幾沉疑一夜玉壺
冰又惱得文園病成

又

次韵伯陽雪中

銷金帳底燭花偏但唱擁嬋娟逸夜酒杯傳幾沈醉瓊
杯洞天梅花如舊竹窓猶在留得煮茶煙獨欠釣魚
船待歸問羊裘故川

菩薩蠻

新秋夜涼浴罷露坐

清江倒浸雲峰巧采菱渡口輕舟小水面晚風香蒹葭
揉嫩涼瀟湘人漸老玉珮驚秋早漚鳥慣忘機背人
何處飛

又

金風簌簌敲梧井
畫屏耿耿揉燈影
屋角月華明
樹頭鳥雛驚
年光流水去
青鏡催遲暮
便欲汎僊槎
茗茗河漢賒

又

蘇小小像

錢塘回首春狼藉
湖山依舊橫金碧
何處是兒家
粉牆楊柳斜
佳期難暗卜
檀版傳心曲
隨意帶宜男
就中應未堪

謁金門

秋望

秋雨裏目斷一溪煙
水隱隱人家疎
樹底渡頭燈火起
風弄遠汀蒲葦香冷
虛堂窻几陡覺夜涼
侵翠被
好

懷今有幾

又

山隱隱天際暮雲收盡巔末秋生風漸緊楚江千萬頃
江上美人無信換却潘郎鬢幾夜相思天遠近雁
來猶未準

點絳脣

暮登新安鎮城樓

暮倚高樓太湖西畔青山近鴈邊雲暝目力隨天盡
落日平蕪點點餘烽燼西風緊亂沙成陣故惱雙蓬鬢

又

荒草寒烟幾年不到新安路舊時行處流水迷官渡
萬里風埃撥送流年度傷遲暮東馳西騫俛仰成今古

又

秋夜橫泖旅牕聽雨有懷故

園

兩鬢秋風掩闌坐聽黃昏雨燈前自語世亂甘清苦

蕩州愁烟荒却東陵圃歸期阻荊榛滿路投老知何處

又

高照菴先生宋朝遺老也嘗有長短句

云夢遶荆溪鱗肥邨甕滿每誦之自可

想見村落秋深景物近見吳楚舟誦而

涵泳不已有當予心故述卽景且期後

約

極目平蕪渚寒烟暝秋波遠鳧鷖散亂黯黯天涯晚

蟹壯尊香村甕家家滿頻相見幽懷共展剪燭巴山館

江城子

癸丑歲季夏下澣信步至漁溪潘氏莊
暑雨初霽夕照穿林與吳野舟坐綠樹
間適行囊中有松雪翁所書江城子逸
態飛越不忍釋手因依調口占以寄清
興古人云人生百年間大要行樂耳卒
章以此意爲消憂之勉云

踈雲過雨漏斜陽樹陰涼晚風香野老柴門深隱水雲
鄉林下草堂塵不到親枕簟懶衣裳故人重見幾星
霜鬢蒼蒼視茫茫把酒欷歔唯有歎興亡須信百年俱

是夢天地濶且徜徉

花間訴衷情 擬古

江路風雨春又去掩重門樓上暮山翠鎖愁痕烟草弄
黃昏王孫好懷誰與論暗消魂

又

晝永人靜花弄影小紅粧斜倚畫闌畔看鴛鴦風
悠揚橫塘桃花流水香盼劉郎

又

追配曹居竹翁舊作

深院人勸春去遠綠陰寒宿酒睡初醒凭闌干梅子翠
團團小鬟試攀薦雕盤愛微酸

鬲溪梅令

和南金鴛湖舟中韻

幾年不到畫橋西路依倚曰首淡烟殘柳昔遊非遂聲
何處悲 故人不見夢魂迷草萋萋幾度倚闌欲寄舊
相思相思無盡期

玲瓏四犯

秋感

秋晚登臨漸古驛丹楓初試霜信暝宿河橋長記畫橈
乘興清夜載酒呼燈向水面琵琶曾聽想那時席上歌
舞多少舊家風韻 茂陵投老惟多病好清懷怎堪提
省西風又動江湖夢歡事今誰領重見縱有後期怕冷
袖弓腰難認最惱人沙上孤鴈落寒成陣

暗香

吳中顧氏舊時月色亭陸壺天倡始用

白石先生元韻以詠黃一峯持卷索賦
水邊寒色又怎禁傍晚一聲長笛廢苑日斜玉蕊踈踈
未快摘回首江南舊夢何處覓黃昏詩筆縱近日雪滿
西泠誰解爲移席 蕭瑟更幽寂記駐馬斷橋頓覺愁
積倚風暗泣離黍殘碑尚追憶絕艷無人管領潮自落
吳山橫碧便想像風景好可能再得

掃花遊

春晚次南金韻

柳花巷陌悄不見銅駝采香芳侶畫樓在否幾東風怨
笛凭闌日暮一片閒情尚繞斜陽錦樹黯無語記花外
馬嘶曾送人去 風景長暗度奈好夢微茫艷懷清苦
後期已誤剪燭花未卜故人来處水驛相逢待說當年

恨賦寄愁與鳳城東舊時行旅

氏州第一

丙申初冬次錢素菴韻

江國初寒雲外鴈過懷人烟浪千頃短策行吟荒臺延
佇斜日依然照影鷗鳥橋邊幾負了扁舟清興舊約蹉
跎新詩冷落怎堪提省故里年來歡事迴算何似向
時風景倚馬朱扉調箏翠袖一向新盟冷但沈思遊宴
處紅樓外柳條相映不見君來待重尋山陰夜艇

木蘭花慢

蘇昌齡過曹雲翁貞溪故居賦詞致慕
蘭之感幼文來致其意求次韻入卷

訪溪翁隱處渾不減輞川西指花下吟牕松間畫壁名

筆交題經行向來坊陌藹茂林脩竹與雲齊丹竈遺基
彷彿墨池流水悽迷 青藜乘興蹋春 仙路入桃蹊
歎前輩風流故家文物往夢難提那能九原重起向三
生石上縱揮犀回首不勝魂斷夕陽芳草萋萋

長亭怨慢

楊花

正愁怕曲江雲盡轉首隋堤尚留芳景客路相逢滿身
香影動離恨綠牕深窈渾不寄天涯信暗憶那回時向
馬足車輪長是隨趁 問春心何在一點沾泥無準潘
郎怕老又禁得雪添雙鬢悵日暮靜掩長門且頻囑東
風休緊謾猶記章臺簾捲日長人困

渡江雲

庚戌臘月九日與邾仲義同往江陰是
夕泊舟無錫之高槁亂後荒寒茅葦弭
望朔吹乍靜山氣乍昏復明起與仲義
登槁縱目霜月遍野情懷恍然口占紀
行求仲義印可

朔風吹破帽江空歲晚客路正冰霜暮鴉歸未了指點
旗亭弭櫂宿河梁荒烟亂草試小立目送斜陽尋舊遊
恍然如夢展轉意難忘堪傷山陽夜笛水面琵琶記
當年曾賞嗟老來風埃憔悴身世微茫今宵到此知何
處對冷月清興猶狂愁未了一聲漁笛滄浪

八聲甘州

次錢思復懷錢塘舊遊韻

歎前朝勝地正離離荒草不勝春
縱湖山尚好泉乾虎跡并闕龍鱗
多少王侯第宅遊賞太平身車馬
經行處錦繡紛紜夢裏曲江宮殿
自長安日遠深鎖愁雲念牆頭楊柳
憔悴向誰顰又東風烏啼花落黯黃
昏胡騎滿城塵當時事不堪回首
重問陳人

法曲獻仙音

寄壽雲西老人時吳興張石隱武林謝
長源會稽胡伯大海隅王子章皆留老
人賓館三月二十八日也

穀雨晞晴柳風吹暖春在綠陰深處
青鳥傳書羽僊清道天香暗滿牕戶
準擬問長生路桃花幾千樹黯凝竚

看斑衣近來得意雲路迴千里易成濶步銅狄儘摩
挲任高堂暮景容與見說西園有佳賓釀酒同賦恨牡
丹花下此際不陪罇俎

滿江紅

丙午重陽前二日雨霽泗涇

倚闌望九山

雲瑣吳山重陽近滿城風雨層樓外摩挲病眼尚堪延
佇采鞠有誰忘世慮催租底事妨詩句縱烏巾潦倒不
禁秋猶能賦村隱隱牛羊路烟冉冉蒹葭渡是幾番
興廢幾番今古世亂可堪逢節序身閒猶有餘風度且
憑高呼酒發狂歌愁何處

又

已酉九日雨中家居憶夏士安頤貞蒙
亨林姪唐元望元泰元弢昆季六人皆
常年同萸菊者一載之間俱罹患難各
天一方信筆紀懷有不勝情者矣

風雨重陽憑誰問故人消息記當日承平節序佩環賓
席處處相逢開口笑年年不負登山屐是幾番扶醉插
黃花烏巾側 詩酒會成陳迹山水趣今誰識奈無情
世故轉頭今昔冰雪關河勞夢寐芝蘭玉樹埋荆棘對
西風愁殺白頭人長相憶

洞仙歌

賦孫明叔水光山色舟

紅塵海裏好風光誰有輸與滄浪釣竿手信翩然一葦

目斷空濛烟草外，歷歷湘雲楚岫。謾隨春浪去，路入
桃源，肯爲繁華暫回首。歲晚若歸來，縱鷗鷺忘機莫繫
纜。漢南楊柳，好乘興、凌風訪蓬萊。爲說與麻姑、海棠
依舊。

江城梅花引 已卯除夕

燈前兒女小團圓，歲將闌，夜將殘。一度逢春，一度減朱
顏。明日東風三十二，又添得、二毛侵鬢底斑。世間世
間，行路難。身世閒，天地寬。往事往事，恨未了，長恨儒冠
爆竹聲中，春又到，柴關一任黃塵門外擾。且留取，舊梅
花，獸自看。

又

陸壺天錢素菴二老相會皆有感懷承
平故家之作索予次韻而不及當道作
者蓋俯念艸木之味也

五陵春色舊曾游翠娥謳錦纏頭花落花開不信有并
州淺碧障泥紅叱撥柳橋外滿東風無點愁 近來近
來雙鬢秋心漸收情尚畱底事底事遽如許身世沉浮
何况年華長向鏡中羞纔見那時簾外月便想起醉吹
簫菴畫樓

祝英臺近

和雲西老人秋懷韻

暮天雲深夜雨幽興到何許風拍疎簾燈影逗牕戶自
從暝宿河橋露聽江笛久不記舊遊湘楚 正無緒可

柰滿目清商蕭蕭五陵樹斜掩屏山腸斷庾郎賦幾回
思遶蘋花夢尋蘭棹怕驚起故溪鷗鷺

紅林擒近

水村冬景次錢素庵韻

雲樹風初勁霧牕晴尚慳鴈落野塘暝鶴鳴水村寒重
來尋梅逕裏漸喜嫩萼堪看向日院宇荒閒香冷舊銅
盤 几格橫素帙屏壁淡烟巒弓腰冷袖多情維憶前
歡但溫存羔酒留連獸炭暮江欲雪年又殘

又

冬雨晚晴次謝士英韻

山晚牛羊下野荒鳧鴈肥雨脚度江遠日光映林微泥
深何堪縱步倚杖謾立苔磯望極浦口雲歸寒氣透征
衣 斷冰隨浪檝斜竹偃風靡江空歲暮邨深人跡還

稀待霜橋梅破茅堂酒暖放船速客延暉

春草碧

次韻素菴遣懷

更籌圖子宣和譜流落到如今空懷古江南荒草寒煙
前代風流共誰語猶有賦騷人迷湘浦烏衣巷口斜
陽悵悵院宇玉樹後庭花誰能舉五陵殘夢依稀回首
天涯歎行旅馬上杜鵑啼愁如雨

隔浦蓮

水檻晚晴

冰紈光暎素手竹簟醒殘酒滿院梅風起疎雲薄斜陽
漏蘭棹歸去後詩人瘦夢繞瀟湘柳屢回首開簾傍
晚烟中微見青岫滄浪遠興為問白鷗知否十里平湖
縱望久涼透江蓮香度疎牖

卷二終

蟻術詞選卷之三

元雲間邵復孺著

明新都汪 稷校

慢

蘭陵王

春日寄錢塘諸友

舊時月曾照河橋夜別秋千下花露染衣倚馬相看動
愁絕登臨黯望徹思落吳山萬疊江村路春水乍生南
浦迢迢恨難越 匆匆換時節怪驛未緘鱗

平湖入夢情猶切嗟樂事長在壯遊都誤酣歌迷舞興
未歇耿前恨休說 悽咽亂愁結記詩滿花牋歌喚桃
葉琵琶水面今誰撥但碧檻長倚楚籬空擷相思難寄

待更把斷柳折

又

王彥強以暮春有懷吳中故居之作見示此公蜀故家因以蜀語次韻答之

錦江綠長想秦城在目瞿塘上春水艤船十二遙峰翠
如簇羈懷未易觸斜日平原散牧潘郎愛年少宦遊遮
莫吳霜鬢邊撲 名家舊章曲記兩臥叢花春覆慈竹
東來重問烏衣屋愁濯錦人遠剪燈窓靜歸心偏是夢
裏速更題柱曾卜 悽獨帶移東正驛路騶嘶烟浦帆
宿遨頭風度猶能續儘客館歌舞故人醺醪薛濤箋上
寫恨處字可掬

又

歲晚憶王彥強而作

暮天碧長是登臨望極松江上雲冷鴈稀立盡斜陽耿
相憶凭闌起嘆息人隔吳王故國年華晚烟水正深難
折梅老寄寒驛東風舊遊歷記草暗書簾苔滿吟屐
無情征旆催離席嗟月墮寒影夜移清漏依稀曾向夢
裏識恍疑見顏色空惜鬢毛白恨莫趁金鞍猶誤塵
跡何時弭棹蘓臺側共漉酒紗帽放歌瑤瑟春來顰燕
定到否舊巷陌

八歸

庚辰七夕與衛立禮同用此

調

涼欺羽扇風生蘄竹秋意漸滿院落商聲又過梧桐井

遠誤剖瓜佳會況槎仙約謾憶中庭兒女夜幾笑語花
樓歡樂尚認得織女橋邊半是舊烏鵲何事明河影
下佳期如許暗抱一襟離索箭壺催夢枕屏移恨是青
春行客對良宵感舊鬢髮蕭蕭歎潘岳闌干迴翠簾休
卷待到更深啼螿聲又作

又

秋夜詠懷寄錢南金

清蟾半露驚烏三匝城上漏水乍滴微涼已透瀟湘簟
還見小簾搖砌淡燈垂壁夜色迢迢人睡去正
陽吹笛做弄得客裏文園病後更無力還是秋
了鳴蛩牕戶又對新詩相憶片雲天外數峯江上幾誤
湘靈琤瑟嘆流光過眼宋玉多情共今夕滄浪興扁舟

客與醉帽飄蕭亭臯清望極

摸魚子

歲晚感懷寄南金

見梅花一番驚感天時人事如許星霜冉冉東流水牢
落少年心緒時自語甚門外風埃綠鬢生塵土故人間
阻奈歲晚相思雲寒悵望此意轉悽楚 髫年夢俛仰
已成今古人生幾度歡聚故鄉景物渾非舊愁裏匆匆
時序能記否記剪燭西窗暝坐聽風雨春來更苦奈酒
量微增詩情未減何處喚儔侶

又

寒食雨中

倚闌干暮雲千里天涯芳草悽楚悒悒巷陌重門掩何
況滿牕疎雨江上路又還見黃金暗柳千萬縷荒村歲

序縱燕子新來梨花未掃好景自虛度
江淹老誰解
重吟恨賦東風依舊南浦青烟店舍長安道夢裏翠屏
朱戶閒院宇悵猶記佳人秉燭深夜語新詩謬與奈世
事驅馳流光荏苒回首更延佇

又

題王德璉山居圖

遍乾坤好山無數古來高隱能幾相逢盡衛林泉勝無
奈利名朝市青嶂裡望曲逕深門彷彿柴桑里先生傲
世任短褐長鏡清琴濁酒占斷晉風致
疎林下別有
談玄麈尾清風長滿牕几門前剝啄何須問應是采芝
仙子誰可比已不減當時鷄犬空中起留連晚計儘穴
石藏書鋤雲種玉千古有靈氣

又

吳門客中九日次魏彥文韻

鴈來時晚寒初勁青燈搖動牕戶商聲暗起鄰牆樹觸
景亂愁還聚秋又暮奈合造淒涼無處無笳鼓狂唸醉
舞記滿帽簪花今籌藉草騎馬忘歸路 懷人遠有恨
憑誰寄語虛名長是相誤天涯節序渾非舊留得滿城
風雨心萬縷謬自喜孤高不惹沾泥絮羈懷倦訴好分
付兒曹耘耜三逕早晚賦歸去

又

甲辰季秋與夏頤貞同在吳門屢有登
山之興又兩不果重陽日友人羅仲達
以節物爲具同席數人意頗歡適乙巳

九日在九山之東泗水上酒闌散步夕
陽依依岡巒在望興懷往事不能無述
未知明年又在何處駒隙如馳行樂能
幾所謂難逢開口笑也

記年時滿城風雨姑蘓臺下重九客樓已辦登臨屐曾
爲好山回首延佇久望翠壁嶙峋閒却題詩手相逢野
叟強咲折黃花亂簪烏帽來與共尊酒 流光去肯爲
閒人宿留驚心節序依舊西風只麼吹蓬髻病骨尚堪
馳驟官渡口便擬喚扁舟往問江潭柳暎季健否縱世
故無情未應遲暮辜負此時候

賀新郎

沙德潤任以南相與追和貫酸齋琵琶
詞韻拉予同賦第元韻出入讀之不純
也

馬上貂裘裂料明妃幾番回首舊家陵闕留得胡沙千
年恨寫入冰絃四列想歷遍關河風雪彈動伊涼哀怨
曲把梨園風韻都消歇南部樂向誰說 多情只記瀟
湘瑟縱而今宮移羽換此懷難竭便有傳來中原譜終
帶穹廬烟月甚長是未歌先咽顧曲周郎今已矣滿江
南誰是知音客人世事幾圓缺

又

題王德璉水邨卷

一段江南綠望林依沙鷗起處欄川橫幅十里平郊人

唐市信記卷三
三
煙聚掩映汀洲幾曲試與問隱君林屋花逕竹門春窈
窕有蒼顏綠鬢人如玉揮白羽跨黃犢高情遠繼巢
由躅向滄浪濯纓垂釣自歌還續手種陂塘千株柳隔
斷紅塵萬斛算馱有漁舟來孰待約西施同載酒趁桃
花浪暖相追逐尋勝地訪遺俗

又

曹園紅梅數種十餘樹雲西老人手植
也時殊事異殘枝存者無幾其孫幼文
命客飲于其下永嘉曹新民賦詞為詠
予適有出不與越數日幼文持卷來求
次韻席上口占以荅

海底珊瑚樹問鮫人幾時擎出碎為繁露倩女拾來紉
成佩妝點江南歲暮便掩映含章牕戶更著絳綃籠玉
骨怕黃昏不向孤山路銀燭暗未歸去 夢中曾被梨
雲誤最難忘長沙形勝水聲東注若見何郎須相報不
改揚州均度道穠豔尚■重賦一點酸心渾不死咲桃
根桃葉非吾故空谷底謾延佇

沁園春

龍洲先生以此詞詠指甲小脚為絕代
膾炙繼其後者歎未之見彥強康兄示
我眉目二作真能追逐古人于百歲之
上不既難矣暇日偶于衛立禮座上以

告孫季野丈為之擊節不已因約相與
同賦翼日而成什焉

巧鬪彎環纖凝嫵媚明妝未收似江亭曉玩遙山拂翠
宮簾暮卷新月橫鉤掃黛嫌濃塗鉛訝淺能畫張郎不
自由傷春倦為皺多無力翻作嬌羞 填來不滿橫秋
料著得人閒多少愁記魚榭緘啟背人偷斂鴈鈿膠併
運指輕揉有喜先占長顰難效柳葉輕黃今在否雙尖
鎖試臨鸞一展依舊風流

又

漆點填睚鳳梢侵鬢天然俊生記隔華瞥見疎星炯炯
倚闌延佇止水盈盈端正窺簾普騰凭枕睥睨檀郎長

是青銷凝久待嫣然一顧密意將成 困酣時倚銀屏
強臨鏡接抄猶未醒憶帳中親覩似嫌羅密尊前斜注
翻怕燈明醉後看承歌時鬪弄幾度孜孜頻送情難忘
處是香羅搵透別泪雙霑

又

早春雨中遣懷

菜甲封泥桃英怯凍淺寒尚濃正小牕深掩暮雲低密
頹垣半露殘雪玲瓏冷逼單衣愁欺勑枕暗度一番華
信風季光在但塵襟耿耿鏡鬢忽忽 十季舊夢無蹤
算何異天涯隨轉蓬甚惜惜坊陌燈宵閑過沈沈煙雨
酒興誰同鳥已春聲人猶舊感點檢芳菲前事空鷲花
好更明季此際何處相逢

風流子

次李仲輿秋思韻

芙蓉秋水綠河橋畔駐馬落霞明念蘇小畫樓蠹侵花
簡謝孃朱戶香冷銀屏悵猶記潯江畱夜客滕閣醉詩
賓驛上信音美人遲暮鴈邊城郭霜氣淒清 潘郎愁
多少傷情處無柰兩鬢星星江路晚風三疊長是愁旺
縱綵筆慙慙近來無準畫闌縹緲一向誰憑何處濛聲
哀怨幽夢難成

霜葉飛

小溪歲晚與南金夜坐分韻

晚風吹醒梅萃夢陰牕人勸無語楚天雲澹鴈淒涼何
況黃昏雨又忽忽驚心歲序邨荒更迴無鐘鼓對夜色
蕭條謾借得孤缸耿耿照離緒 鮑頓怨墨頌題征

衣孀整恠卻雙鬢如許故園猶是舊東風往事今塵土
但憶著章臺柳樹十年青鏡催遲暮任豔懷如流水芳
艸王孫有誰能賦

花心動

黃伯陽歲晚見梅適遇舊賦以贈別持
行卷來求孫果翁衛立禮洎予皆和

東閣何郎記當時曾賞舊家紅萼綵筆賦詩綠髮簪花
多少少年行樂自從驚覺揚州夢芳心事等閒忘却斷
魂處月明江上路迷天角老去才情頓薄柰客裏相
逢共傷漂泊洗盡豔妝畱得遺鈿尚有暗香如昨歲寒
天遠離格短忽忽去孤懷難託向花道春來未應誤約

又

贈散妓蟾宮秀

塵滿人間有誰能分得廣寒風度謾道小嬌疑是前身
曾到巖花深處九霄宮殿春長好只合伴霓裳僊侶問
何事等閒回首卻迷塵趣 縹緲瑤樓玉宇柰霧鬢煙
鬟不勝風露小試蒨妝才近芳尊已變世間歌儻想應
羞見嫦娥寡重來傍巫山行雨總忘了青冥向來去路

南浦

次韻荅南金見寄

煙水隔殊鄉又忽忽誤了蹋青時候一別幾多時河橋
外官柳青條猶瘦君來爲問渡江桺葉曾來否生怕木
蘭鴛艇子只道故人依舊 孤邨寒食駭尋料歸期漸
近花開休驟油壁耐東風先拌取同醉亂紅千畝憑闌

望久幾番魂斷煙中岫從此相逢休艸艸暮對夕陽搔
首

西河

一春索居况味殊惡賦此紀

懷

春夢覺一聲何處啼鳥東風二月舊江南庾郎暗老嬾
寒日日禁單衣闌干憑遍清曉水涯柳條漸好玉驄
幾度曾到如今巷陌躡青時故人去杳杏花不在宋東
鄰苔牆猶自圍繞鳳鞵次第又鬪草暗淒涼前度懷
抱病後不禁愁惱怕西園路溼殘紅如掃空憶花前纖
腰嫋

蟻術詞選卷之三

長洲

吳曜書
表宸刻

蟻術詞選卷之四

元雲間邵復孺著

明新都汪 稷校

慢

六州歌頭

戊申歲一春強半風雨不可出戶者至
有兼旬之久三月九日寒食煙雨中望
鄰牆桃花殆欲霑落感人事之不齊歎
芳時之易失信筆紀述斐然成章桓司
馬謂樹猶如此人何以■今乃信之矣
劉郎老去孤負幾東風思前度玄都觀舊遊蹤怕重逢

新種桃千樹花如錦應笑我容顏改澤不比向時紅
我亦無情久矣繁華夢過眼成空縱而今再見何似錦
城中往事忽忽任萍蓬憶懽娛地經行處秦樓畔灞
橋東春冉冉花可可霧濛濛水溶溶幾度題歌扇敲醉
帽繞芳叢時序改人面隔鬢霜濃別有武陵溪上秦
人在僊路猶通待前邨浪煖鼓檝問漁翁此興誰同

東風第一枝

年來逆境驅馳不知歲序之有遊賞忽
忽春風徒起浩嘆庾辰新正與南金剪
鐙小酌分題寫懷追念古人樂事今無
在恨時于文字中見其一二遂各想

像舊事為之然心之所好亦寂寞中一

樂也予得此調南金得春從天上來

舞館簪蛾譙門試角疎燈時弄春影曉簷鐵馬敲晴夜
箏錦鴻送冷銅駝陌上早官柳輕黃籠暝料小樓一枕
微醒已被媛寒欺醒花信阻鎖牕慣靜芳事杏翠衾
倦整晚妝似怯梅鈿舊香尚凝篆鼎朱門雙掩向鬪鴨
闌干嬌竝待灞橋重煖新壚擬約菑桃蘭艇

又

春來兼旬寒氣不減舊臘正月廿二日

曹雲翁招飲聽雨西牕南金偶道及前
作翁欣然命筆次韻故又口占為謝

亂雨敲牕深鐙暈壁孤屏相對陰影醉餘夢蝶難尋起
來睡鴛較冷東風急處又卷得殘雲催暝柰暗愁忽到
梅邊夜半粉香薰醒 門正掩暮簾乍靜花未鬧小車
預整鬪茶尚憶分曹賦詩更聯古鼎春衫嬭試怕誤了
金鞍相竝待小桃開滿前溪且踏武陵漁艇

春從天上來 次南金早春韻

九陌香泥正楚館欺寒裊裊春雞兩行簾底銀燭千枝
花市笑語聲齊喜盤行纖手翦生菜巧簇青絲晚晴時
漸紅蕖照眼黃柳舒眉 東風舊家樂事柰酒興沈沈
舞隊 小譜鸞慵重樓羯鼓生怕誤卻花期好情懷
都改年光在物換星移誤芳菲想六橋燈火猶繞蘇堤

齊天樂

甲戌清明雨中感春

離歌一曲江南暮，依稀瀟橋回首。立馬東風，送人南浦。認得當年楊柳，梨花過後，悄不見鄰牆弄梅纖手。綺陌東頭，箇人還似舊時否。相如近來病久，縱腰圍暗減，猶未全瘦。宿酒昏燈，重門夜雨，寒食清明依舊。新愁謾有，第一是傷心，粉銷紅溜。待約明朝，問舟官渡口。

又

巳卯春客樓雨中懷小谿故

人行樂

東風吹雨春城晚，黃昏小樓人靜。燕子朱簾，譙門畫角。吹拾柳邊殘暝，微銜照影。歎塵滿書牀，火銷香鼎。客裏生愁，故家樂事尚能省。人生壯遊幾許，舊漚應怪我。

沙上盟冷刻燭催詩傾尊款語長憶西牕風景相思有
興待官渡回潮野橋吟艇暮遣啼鵲夜深驚夢醒

又

戊子清明次曹雲翁韻

深牕暮灑梨花雨隨風亂零如霰寒食初過連陰未解
黃昏酒闌人倦春燈謾翦怪濃潤沾衣淺寒迎面芳事
蹉跎彊將花譜自舒卷 天涯芳草漸滿蹋青晴路阻
闌檻凭遍驚隔重門舟迷晚渡應是不勝清怨歡遊未
展縱不奈悽迷嬾尋消遣只怕晴時落紅千萬點

又

甲午七月望後橫柳客舍驟雨頓涼秋
聲滿樹小牕暮倚四無人聲暝色凝煙

不勝悽黯闔戶呼燈著此以紀旅思

碧梧庭院秋聲早惜惜暮天雲影雨送涼蟬風欺勸翼
絡緯猶啼金井疎牕弄暝正犀押簾垂畫屏燈冷節序
依然旅懷長是歎流景 舊家園苑廢久歲寒松桂在
清事誰領待月幽軒尋涼小艦斷夢有時提省乘槎路
迴便逸興相牽倦塗難騁甚日歸來傍湖畊二頃

又

乙未春暮錢素菴見和前韻
再歌以謝之

柳花飛滿春歸路隔江暮雲揉影艸暗河橋塵昏水驛
難覓僊翁丹井年光漸暝任老鬢霜彫壯心灰冷世故
紛紜寄書長擬問和景 山林多少勝地四時蕭散處

談笑能領小舫尋詩輕裘把釣此意只今誰省斜陽迴
迴算往寢難追曠懷休騁目斷南湖平蕪千萬頃

又

戊戌冬初領省檄會無錫州將李正卿
同檢踏屯田秋稼此邦兵餘民居蕩析
皆黃茆白骨之境眼界殊惡李侯索賦
道閒口占復命

西風滿面吹花髮肩輿徧行荒野草莽無垠人煙掃跡
猶有青山如畫斜陽又下奈勅宿軍營喜逢田舍官事
驅馳旅途情緒頓衰謝 天邊鴈蜚漸遠故園回首處
離恨難寫寒入征衣雲遮望眼忘卻向來瀟灑塵氛未

解便好問歸舟早圖休駕夢繞寒谿小梅應綻也

又

次韻王原吉龍江別業

去年弭權龍江市曾瞻故人衡宇樹隔琴牀芸香書屋
擣藥時鳴清杵壺籤報午想頻拂詞楹閒脩花譜如此
幽閑雅宜連榻聽風雨多君曳裾相府縱風流文采
終帶清苦借筇籌維持格說劍長歷漢臺秦礎尋幽訪
古便後約須期細論重與歲晚山中茯苓還共煮

又

張翔南寓金陵時嘗有寄金子尚魏彥
文漢諸詞友之作乃辱彥文見念獸以
賞音見許而不知予頻年連嬰逆景久

疎詞筆非復向時懷抱矣戊申秋杪邾
仲義持示詞卷且辱彥文寄聲併索近
作入卷乃爲倚歌二闕其一以荅彥文
其一以喜翔南還家

當年放浪蘓臺下長從故人詩酒繭帖飛花鷓鴣弦度曲
思繞閭門楊柳星霜易久悵十載分攜幾番回首滄海
塵昏屋梁落月尚依舊 山林何處寄傲不如人意事
長是八九有客傳書多君玩世況是不忘衰朽明朝見
後縱少壯難追好壞還有醉墨淋漓浩歌開笑口

又

寄張翔南

八朝千古臺城路傷心幾番興廢形勝空存繁華暗老

舉目江山還異風塵萬里奈遷客驅馳去程迢遞故舊
相望鴈邊消息縹難寄 春風鳳皇臺上轉蓬回首處
應歎身世江總情深陳琳檄倦投老竟成歸計斜陽某
水且淨洗緇衣任休行李只怕東山興來還又起

霓裳中序第一

中秋後二夕對月

秋堂氣漸肅暮角吹來聲斷續凭遍闌干幾曲又涼戰
庭梧風敲簷竹多情宋玉對楚天無奈幽獨中秋過月
花未闕夜色燦如燭空谷 美人羈東又老盡江南草
木愁來心緒易觸目斷瑤臺夢繞金屋鴈歸猶未卜且
漫放題紅去速悽迷處奉來詩鬢換動鏡中綠

疏簾澹月

和黃伯成吳興道中韻

蒼煙古木漸暝入小溪鷗鷺如玉斜倚孤篷眺晚毳裘
寒肅秋孃渡口山橫處舊曾尋五陵芳躅畫樓鐙火如
今冷落塵滿花屋 奈景物因人反覆算千古風流今
有誰續茗水東邊月上酒醒人獸角聲吹老梅三弄想
依稀曾夢蛾綠西風回首山中有人滿頭黃蘗

角招

故園舊有老梅數樹自庚午至庚辰十
載之間六遭巨浸無一存者季來惟起
步月前邨之歎辛巳正月廿四日曹雲
翁以紅萼一枝見予風度絕韻舊感橫

生念之不置因綴此闋爲解併以謝翁
焉

夢雲杳東風外畫闌倚遍寒峭小梅春正好謬憶故園
花滿林沼天荒地老但暗惜王孫芳草鶴髮仙翁洞裏
爲分得一枝來便迎人索笑牕曉冷香窈靄幽情雅
澹不減孤山道舊愁渾欲掃卻明朝新愁縈繞何郎易
惱且約住傷春懷抱綵筆風流未少更何日玉簫吹金
尊倒

又

次黃伯陽苕溪舟中韻

暮雲起苕溪上畫橈蕩漾春水道人煙浪裏信筆賦詩
千古無此異頭楚尾問舊日陶朱鄰里擷得江蘼寄遠

向天角歇孤帆且行行休矣吟倚柳陰傍晚花期暗
數芳事今餘幾舊遊難屈指化鶴歸來依然城市紛紜
鬧紫豈不羨山林宮徵更約吟船共艤賸判得落殘花
欺行李

憶舊遊

追和魏彥文清明韻

記烏衣巷口灞水橋邊問柳尋花竟日追遊處儘揮鞭
繡陌弭櫂晴沙酒闌美人歸去香擁碧油車自綵筆題
情金鐙款醉幾度年華天涯故人遠料對景相思應
念無家又見分榆火奈移根換葉往事堪嗟小樓倚遍
殘照長羨暮栖雅賴伴我消魂遙岑寸碧三四了

水龍吟

戊申燈夕雲間城中作

兵餘重見元宵淺寒收雨東風起城門傍晚金吾傳令
遍張燈市報道而今依然放夜縱人遊戲望悵悵巷陌
星耗散亂經行處無歌吹太守傳呼迢遞謾畱連通
宵沈醉香車寶馬火蛾麩繭是誰能記猶有兒童等閒
來問承平遺事奈無情野老聞燈嬾看閉門尋睡

續術言選卷之四

長洲

吳曜書
表宸刻

寫情集序

寫情集者誠意伯括蒼劉先生六引三調之
清唱四上九成之至音也先生生於元季蚤蘊
伊呂之志遭時變更命世之才沉於下僚浩
然之氣阨於不用因著書三言以俟知者其
經濟之大公垂諸郁離子其詩文之盛公播
為霞靄集凡流文彩矣餘功春白雪雅調
如裝泄雅長短句也或憤其言之不純或鬱

乎志之弗舒感四時系物託風月情懷皆
所以寫其憂也拯弋之心故名之曰寫情集
釐為四卷其詞藻絢爛慷慨激烈蓋然而
春溫肅然而秋清靡不得其性情之正焉
宜其遇知

聖主與臣同心撥亂弋反之治以補成

大一統之業垂憲于萬世也先生當是之
時深知天命之有在焉蓋弋之姿雄偉之

志用天下國家之心而不發為千彙萬
狀之奇而統翔而躍也嗚呼千載之
前千載之後無邁挺卓然幾人哉今先
生既薨其仲子仲孫與其長孫鷹謀以
是編錄梓垂遠以蕃於先生辱平昔之
好命為之序顧蕃愚陋何敢措詞追慕
高風乎容讓乎皆

洪武十三年歲在庚申春正月上澣

永嘉儒學訓導安固紫華山葉蕃

祥昌序

寫情集卷之一

郁離子枯蒼劉基

河傳 江上作

江上風過水生紋煙裏斜陽半曛雨聲不堪客耳聞紛紛夢魂
迷斷雲 夢斷天涯歸路杳天欲曉殘月窺牕小木蘭舟蘆葦
秋汀洲藕花相伴愁

滿庭芳 詠荷花

楊柳煙銷梨花雲散瑤臺別是風光翠霞深處誰舞白霓裳三
十六宮向曉鳳綃擁紅粉成行珠簾外風翻瑞葆驚起紫鴛鴦
含情空悵望衾寒鄂渚佩冷瀟湘怨凌波塵襪不度銀潢只
恐青娥嬌妬相將見葦白芹黃淒涼也一天墜露明月在池塘

玲瓏四犯 台州作

白露點珠明河生浪秋光看又一半翠衾知夜永夢冷孤館

南樓數聲過鴈西池桂華零亂歲序如何江山若此贏得鬢霜
滿傷心謾回愁眼見蒼吟蔓草螢度荒曠淚隨黃葉下事逐
浮雲散滄波衮衮東流去問誰是登樓王粲菊綻籬邊賦歸來
恐晚

江神子

霏霏輕雨弄秋光野煙蒼晚風揚江鴈將愁分付與寒螿
聲聲啼到曉人不寐夜何長滄江波浪去茫茫莫思量使心
傷籬外黃花只作舊時香歌罷歸來深對酒今古事總淒涼

浪淘沙 秋感

江上晚來風煙藹濛濛白蘋吹盡到丹楓流水落霞衰草外離
恨無窮極目楚雲東愁見歸鴻拒霜相倚夕陽中露重月寒
芳意歇知為誰紅

浪淘沙 感事

天際草離離，鴻鴈南歸。冷烟凝恨鎖斜暉。胡蝶不知身是夢，飛上寒枝。惆悵倚闌時，總是傷悲。絕憐紅葉似芳菲。清露自凋風自落，沒個人知。

淡黃柳 台城秋夜

江城夜寂何處，吹羌笛。城上月高風淅淅。翻動林梢，敗葉一片琅玕，下空碧。倦游客，鄉關暮雲隔。漫回首，盼歸翼。想柴門流水，依然在。白髮叅軍青衫司馬，休向天涯淚滴。

調笑令四首

秋雨秋雨，窗外白楊自語。夢回月在空廊，燈影朦朧。夜涼涼，夜涼夜涼，露冷芙蓉花謝。

沙燕沙燕，別去幾時重見。汀洲芳草纖纖，細雨微風卷簾簾。捲

簾捲人與碧梧俱晚

白露白露點我庭前芳樹樹中有个棲鴉啼到銀蟾影斜斜影斜影照見羅帷夢冷

紅樹紅樹粧點天涯秋暮淡煙衰草黃昏露冷啼螿斷魂魂斷魂斷明日玉臺霜滿

菩薩蠻 越城晚眺

西風吹散雲頭雨斜陽却照天邊樹樹色蕩湖波波光豔綺羅征鴻何處起點點殘檝裏月上海門山山河莽蒼間

漁家傲

江上秋來惟有兩江城九月猶炎暑泉湧中庭苔上柱深閉戶莎雞露泣寒蟬語征戍誅求空軸杼千村萬落無砧杵玉帳悠悠閑白羽愁正聚亂鴉啼破樓頭鼓

小重山

城上高樓接海椒，疎林截不盡。欲棲鴉，回廊曲檻，別人家。征鴻外，風冷夕陽斜。燈暗鼓三擗，望中煙隱，樹月籠沙。白雲如夢繞天涯。梧桐雨和淚滴寒莎。

虞美人

有感

秋來日日煙含雨，不肯收殘暑。小桃錯認是春回，盡把枝頭紅綠向人開。白雲流水青山遠，門掩蒼苔晚。草間蜂蝶未須忙，後夜雲英和月結成霜。

喜遷鶯

殘夜

畫角斷，篆香清。斜月淡，疎櫺露寒，霜冷鵲頻驚。歸夢不曾成。湖上數聲沙鳥，河漢漸低，木杪起看北斗。待天明，雲白日華生。水龍吟

次韻和陳均從吹簫曲

秦臺人去無蹤空餘綠樹連天表瑤京路遠緱山夜永離愁縈
繞露咽玄蟬霜淒白鶴月寒烟裊想孤鸞舞罷碧桃花盡長是
怨多歡少 夢裏駟車過處見蒼梧九峯青小脩篁染淚滄江
流恨年年不了廣莫風悲昭華玉冷聲沉雲杪又扶桑日上靡
萍光散蓬池春曉

水龍吟 感懷用前韻

雞鳴風雨瀟瀟側身天地無劉表啼鶻迸淚落花飄恨斷魂飛
繞月暗雲霄星沉煙水角聲清裊問登樓玉粲鏡中白髮今宵
又添多少 極目鄉關何處渺青山髻螺低小幾回好夢隨風
歸去被渠遮了寶瑟絃僵玉笙簧冷冥鴻天杪但侵階莎草滿
庭綠樹不知昏曉

浣溪沙 虜州葉叔安溪南草堂

細草垂楊村巷幽
白沙素石引溪流
青苔磯上有扁舟
門外好山開
罨畫屋頭新月學
簾鉤
愔風一榻似清秋

長相思 晚興

晚風清晚雲輕
兩意將成又不成
斷縠天際明
舊恨盈
新恨生
立到樓頭河漢傾
無人知此情

踏莎行

瓶水知秋池荷怨
晚有人樓上吹清管
月明夜寂却堪聽
可憐剛被風驚斷
楚澤吟悲槐根夢短
江山處處傷愁眼
欲憑青鳥寄殷勤
波濤無地蓬萊遠

江神子

西風吹樹簾涼
初露如珠月如梳
鴻鴈無情不帶半行書
漫倚闌干成小立
人老也情誰扶
中庭梧葉待霜疎
有棲鳥夜相

呼門外一池寒水落芙蓉為問閑愁還幾許多似草不勝鋤

青杏兒

獨自倚闌干西風起玉宇清寒夜深月轉長河曲踈螢度竹啼
螢依草涼露溥溥莫把素琴彈冰弦上商冷宮殘萬牛不挽
東流水悠悠碧落茫茫雲海疊疊憂端

摸魚兒 傷春

問春光尚餘幾許傷心前夜風雨天桃豔杏都吹盡蘭蕙變成
荒蕪春欲去但渺渺青煙白水迷津渚多情杜宇有恨血滋宵
哀音破曉千叫一延佇蓬萊路還是鯨濤間阻神仙縹緲何
處瓊樓玉殿深留景不見下方塵土誰最苦暝色帶隼飛燕子
歸無主那堪訴與又暗壁殘燈重門轉漏嗚咽夢中語

虞美人

桃華半折臘脂盡鶯語東風裏坐來簷日轉牆陰時見黃蜂帶
粉出花心長煙不散萋萋草人與春俱老知人老去願春遲
無奈滿庭風絮促春歸

沁園春

清明日作

白芷生香綠萍抽葉還是清明有殘絲絆雨危芳怯露梨雲困
蝶絮雪迷鶯髮短心長時殊事異覩物如何不動情愁來也怕
東風無賴鷓鴣先鳴莫思身外虛名綿上荒田草樹平任龍
蛇歌怨桑榆烟盡山枯石死畢竟何成富貴浮雲窮通定命守
分安常百慮輕和誰說又鴉樓高柳月照曾城

惜分飛

蝶醉蜂迷鶯不語門掩一庭花雨春事無多許野雲江樹誰為
主縱有垂楊千萬縷難綰教春莫去愁到傷心處數聲杜宇

青山暮

沁園春 和鄭德章暮春感懷呈石末元帥

萬里封侯八珍鼎食何如故鄉柰狐狸夜嘯腥風滿地蛟螭畫
舞平陸成江中澤號鴻苞荆集鳩輒盡平生鐵石腸凭闌看但
雲霓明滅煙草蒼茫 不須踽踽涼涼蓋世功名百戰湯笑揚
雄寂寞劉伶沈酒嵇生縱誕賀老清狂江左夷吾關中宰相濟
弱扶顛計甚長桑榆外有輕陰乍起未是斜陽

憶秦娥 次石末公韻

陽春月蜂喧蝶競芳菲節芳菲節風狂雨橫魂消心折 鳳皇
臺上簫聲絕長洲苑裏光陰別光陰別有人愁歎淚珠成血

驀山溪 晚春

清明過了簾幙餘寒淺芳樹不勝風任流水飄紅去遠煙昏兩

暝天襯海雲低，鷺意懶蝶魂銷。花盡成秋苑，遊絲落落絮特地。
相縈絆，無計網春暉。漫贏得、遊人望眼，登高凝睇，欲寄一封書。
鴻路阻，豹關深，日暮空腸斷。

憶秦娥

春雨歇，庭花撩亂飄紅雪。飄紅雪，一川芳草，數聲鶗鴂。
長煙渺渺青冥闊，江湖波浪行人絕。行人絕，雲山迢遞，夢魂飛越。

念奴嬌 詠蛙

池塘過雨有許多蛙，龜爲誰彊，聒乍寂還喧。如聚訟，觀縷官商，爭發嘔啞，蠻歌兜離鞦，唱頰齒相敲，斷可人幽夢，驚回天水空闊。
最好白石清泉，被渠翻倒，作蹄涔，丘垤蚯蚓，螻蛄無智識，相趁草根嘈噴，坐井持頤，當車怒目，幾欲吞明月。子陽安在，至今莫辨優劣。

八聲甘州

詠蛙

問青蛙有底不平鳴真个為公私向污泥曳足蹄泔接腋缺甃
持願斷續儀同歌吹羹沸綠萍池鐘鼓難成響而况填箎 曾
記江湖煙雨被枕邊譙噪刺耳如錐擁輕衾孤坐愁到曉雞時
道巴猿聲聲是淚細看來不似此聲悲應知得灑灰著令千載
無疑

倦尋芳慢

詠雨

翠霞映日柱礎生雲衣袂先冷石燕飛時天與亂山俱暝稍見
如絲隨風細漸看密灑滄江迥倚闌干恁昏昏過了清和光景
小樓外榴花間竹可恨紅英飄墜苔徑霧苦陽臺悽惻夢魂
難醒階下決明憂爛死草根得意惟蛙龜正蕭條又沉沉戍鼓
夜涼人靜

渡江雲 初夏即景

麥秋晨氣潤嫩涼院落細雨乍晴時定巢新燕子睡起雕梁對
立整烏衣庭空書寂但盡日簾幙低垂歸去來不堪重賦兩鬢
漫成絲 傷悲斜陽難繫逝水無回想佳期應未愁正濃如何
消遣惟有心知瑤琴調苦弦先絕任冷落玉軫金徽凝望處啼
鴉飛上高枝

阮郎歸

晚寒楊柳綠如濡園林新雨餘紫苔成暈上階除日高庭院虛
官况懶世情踈斷腸芳歲徂暮雲不見北飛魚路遙難寄書

蘇幕遮 次韻和劉宗保

日斜時山盡處綠水朱霞隱映雲間樹鴻鵠冥冥烏鵲暮海闊
天高翼短迷征路 路多岐情沒緒想極生悲欲語難成句忽

憶登樓懷土賦愁着心頭淚落如零雨

八六子 晚思

到黃昏悄無情緒淒涼又掩重門盼草際殘陽易盡雲中征鴈
難憑漫勞夢魂 淵明三徑猶存白鶴不歸華表烏鴉自滿荒
村念過眼芳菲總埋泥土縱然回首可堪凝睇傷心處處蓬蒿
廢井時時煙雨啼猿更何言蒼苔漸深淚痕

攤破浣溪紗 次劉宗保韻

燕子巢成倦不飛綠陰鳴蜩靜頻嘶拄杖獨穿芳草徑立多時
池面紫錢荷點點枝頭青彈杏離離更愛葵花紅粉豔似崔
微

江神子 同前

沅湘煙雨夏生寒怕紅千有離魂蕙圓蘅蘭蕪穢有誰看愁絕

洞庭雙帝子風颯颯佩珊珊
釣天雨豹守重關隔人間寄音
難腸斷春光正美却凋殘聞說桃源今不見何處好把漁竿

燭影搖紅 重五

筠粉初銷海榴花外絲絲雨青槐綠柳又新蟬淒咽黃鸝語煙
草蒼茫何處想當年三閭故楚蕙蘭蕭艾蘅茝蓬蒿菖蓂無數
細葛香羅有人衣袂隨風舉游臬不作太官羹玉燕空雕虎
永晝庭陰自午一時間愁情萬緒寸腸柔脆未了傷今那堪懷

古

生查子

槐雲蟬墜髮柳露酣啼眼深院有佳人坐惜芳菲晚素手理瑤
琴曲罷空長歎佇立望青霄愁水青霄短

長相思

山悠悠水悠悠水遠山長處處愁那堪獨倚樓
憶歸休怎歸
休細雨微風冷似秋綠陰啼栗留

鷓鴣山溪 詠螢

晚晴池館月淡煙籠水草際却嬉微漸游揚隨風四起拂雲穿
霧搖亂玉繩光高又下滅還明點綴林梢藥 漢宮遙夜鐙影
深羅綺莫近繡簾飛滿階苔無人有淚蓬牕凄冷留取照韋編
天祿閣校書時藜杖清暉似

滿江紅 次韻和石末元帥

華衣孤雲還應是當初相識回望處煙塵滿地燕鴻南北過眼
浮榮胡蝶夢紫身薄宦猩猩屐笑村童不認主人翁呼為客
鯨鯢起滄溟拆藩籬外生仇敵恨高門廣廈鹿場藥跡大澤猶
纏蛇豕氣腸烏未放乾坤白細看來還自有青山長如昔

阮郎歸 題畫扇

白蘋風起夕陽微
小舟衝浪歸
江湖却落釣魚磯
天寒紅葉飛
彭澤菊首陽薇
不知今是非
山林朝市事相違
紫芝疆肉肥

怨王孫

漏悄人靜星稀
雲淡煙柳成眠
露蓮半頷何處
月色飛來滿樓
臺微風入袂
仍吹領愁都醒
好个清涼境
紅塵自迴河漢
應有仙槎待還家

鷓鴣天 題梅花圖

玉骨冰肌萼綠華
騎龍飛下太清家
衣飄碧落星芒動
佩拂玄冥月影斜
江水闊嶺雲奢
香魂散作歲寒葩
畫圖驚見春風面
陡覺精神冷不邪

醉花陰 夏日

溽暑炊人肌骨軟夢繞南柯遠驚起却依然碧樹連天風雨溪
山晚 人閑已自成踈懶事往誰能挽去去紫芝翁白石清泉
日夜青苔滿

滿庭芳 二月十一日壽石末公

嶽氣鍾嵩星精降昴五雲光映麟書綠明紅媚風暖日長初金
翻斜開洞府群仙擁翠佩瓊裾收拾盡乾坤清淑為瑞在扶輿
文韜兼武畧南陽諸葛東海穰苴有貌虎龍蛇深護諸胥制
勝不妨談笑鶯聲裏旗影徐徐行看取非熊應兆沙路輾高車

醉花陰

樓外斜陽低半樹雖好難留住樹裏有鳴蟬似訴中情哽咽風
前語 碧雲不見蓬萊路青鳥今何處莫更倚闌干愁上心頭
無計推他去

如夢令 題畫

草際斜陽紅委林表晴嵐綠靡何許一漁舟搖動半江秋水
風起風起擢入白蘋花裏

南鄉子 八詠樓作

鳴雨過庭除病骨峻嶒不自扶彊倚闌干成小立蕭疎立困依
然作宰予 驚覺失華胥樓外青山落照餘誰似莊周能化蝶
遽遽心上閑愁一點無

踏莎行 同前

冷雨籠晨淒風催晚杜鵑哀怨黃鶯懶蛛絲柳絮總輕狂可憐
春去無人管 碧草連天青山遮眼側身四望腸千斷愁如溪
水暫時平兩聲一夜依然滿

摸魚兒 金陵秋夜

正淒涼月明孤館那堪征鴈嘹唳不知衰鬢能多少還共柳絲
同隴朱戶閉有瑟瑟蕭蕭落葉鳴莎砌斷魂不繫又何必殷勤
啼燈絡緯相伴夜迢迢 樵漁事天也和人較計虛名枉誤身
世流年衮衮長江逝回首碧雲無際空引睇但滿眼芙蓉黃菊
傷心晨風吹露洗寂寞蕭蕭南朝憑闌懷古零淚在衣袂

點絳脣

雲淡秋霄夜寒月過軒窗固鴈聲相應人語長廊靜欲寄離情
夢短天涯永休臨鏡舞鸞孤影怕見菱花冷

眼兒媚

煙草萋萋小樓西雲壓鴈聲低兩行疎柳一絲殘照數點鴉棲
春山碧樹秋重綠人在武陵溪無情明月有情歸夢同到幽

閨

更漏子 詠鴈

塞門雲湘浦樹畢竟故鄉何處楓葉渚蓼花磯水深增繳稀
蓬萊闕扶桑島極目茫茫烟草蘆荻老稻梁空月明江上風

怨王孫

翠被夜冷碧梧風勁蛩語將闌鴉棲不定開戶月在枝頭恰如
鉤 煙波縹緲瑤臺路人何處黃葉連天兩夢魂此際繞盡越
水吳山白雲間

寫情集卷之一

魚州集卷之二十一

寫情集卷之二

謁金門

風嫋嫋吹綠一庭秋草天際夕陽無限好斷腸芳樹老塵世
茫茫難料有酒便須傾倒落葉滿階從不掃醒來新月皎

鷓鴣天 冬暖

窻外群蛙久不鳴夜來忽聽滿池聲客心且喜逢冬暖天意猶
當放晚晴塵勞事莫關情清風皓月共忘形夭桃應妬芙蓉
色故發鮮花照眼明

驀山溪

簷鈴風過昵昵閨中語月上海東峰冷光浸澄清玉宇幽人此
際輕步繞回廊蛙鳴沼鴉翻樹露滴松梢雨蘆花粗老也學
楊花絮袞袞趁流塵半沾泥半飄陌路不須看覩且自買芳尊

巴歛曲婆娑舞醉飲朝還暮

長相思

霜華清月華清清逼衾裯冷似冰那堪砧杵聲
雞已鳴鐘又鳴天若於人還有情如何不肯明

長相思

鴈南歸人未歸寒信先來家信遲容顏只鏡知
曉風微曉星稀正是愁闌欲睡時鄰雞莫要啼

臨江仙

予在江西時與李燿以莊善以莊嘗賦詩有曰淚如霜後
葉撼撼下庭柯鄭君希道深愛賞之今鄭君已卒以莊與
予別亦二十年夢中相見還舊好覺而憶其人不知今存
與亡因記其詩屬為詞以寫其悲焉

街鼓無聲更漏咽不知殘夜如何玉繩歷落取銀河鵲驚穿暗
樹露墜滴寒莎夢裏相逢還共說五湖烟水漁簑鏡中綠髮
漸無多淚如霜浚葉撼撼下庭柯

憶秦娥

風淅淅月明何處吹長笛吹長笛拂雲來鴈連天蘆荻繁華
過眼成今昔滄波浩渺空潮汐空潮汐淡烟衰草六朝陳迹

蘇幕遮

白雲山紅葉樹閱盡興亡一似朝還暮多事夕陽芳草渡潮落
潮生還送人來去阮公途楊子路九折羊腸曾把車輪誤記
得寒蕪嘶馬處翠管銀箏夜夜歌樓曙

蝶戀花

蔣山寺十月桃花

度朔移來天上種絳葢丹趺玉母親曾弄青女素娥為侍從婢

娟獨擅三千寵 回首歡娛誰與共
荒草殘烟冷落秦源洞閣
苑風高迷彩鳳 斷魂飛入韓憑夢

過秦樓

暖日蒸紅濃烟烘黛又過一年春
半鸞啼鏡掩桂老蟾孤芳草
為誰如剪何處燕子飛來入幕
穿簾似曾相見問前朝王謝風
流安在雪消冰泮 還記得翠幄
籠花瓊闌搭柳鳴佩響和清
管圓光易缺急景難追回首夢迷
天遠綠蔣青蘋是他玉樹亭
臺金蓮宮苑且高歌對酒趁取韶
華未晚

踏莎行

雨過山明煙生川媚佳人初把羅衫
試玉驄嘶入柳陰中濛濛
淡日蒸花氣 簾幕低垂闌干獨倚
一池春浪魚鱗起暮寒寂
寞掩重門怕人問道歸期未

隔浦蓮

朱簾不捲畫雨弱柳愁千縷事與孤鴻去空相憶同誰語雲水
迷翠羽人何許玉佩沉湘浦悄凝竚春風到處白蘋香蒲洲
渚淚篋自老目盡野田平楚未用天涯悵間阻回顧斜陽猶在
高樹

生查子 惜花

東風爲愛花着意吹原野穠豔正堪憐何忍輕吹謝悶損玉樓
人獨立花枝下微睇斂雙蛾紅淚和花灑

江神子

春晴楊柳鬱金絲有黃鸝在高枝正是佳人無語倚闌時不理
雲鬢尋斷夢消瘦損雪膚肌海棠飄玉燕交飛草芳菲水淪
漪怕見輕蜂小尾撲香歸滿鏡容顏憑酒染還恹淡對斜暉

滿江紅

風澹寒輕又還是清明時節幾處處萋萋鋪綉碎紅堆纈滿樹
綠陰堪止渴漫山黃霧松花發背畫闌獨立檢韶華聞題鳩
懷往事空淒切思不斷腸千結想繁華一瞬夕陽明滅玄武湖
邊楊柳月雞鳴埭上棠梨雪到如今何處覓遺蹤泉聲咽

江神子

絲絲纖雨織黃昏掩衡門黯消魂贏得滿頭華髮照乾坤天上
神仙三島外空虎豹守重閭河林落日隱崑崙望中原香漫
漫白葦青蒿無處着啼猿鳳去不來簫管咽心裏事共誰論

長相思

桃花開李花開小白長紅越女腮春風巧剪裁蜂徘徊蝶徘徊
飲遍清香未肯回莫教飄綠苔

憶王孫十二首 集句

花明柳暗繞天愁
趙女乘春上畫樓
樓上黃昏欲望休
月如鉤
檻外長江空自流

亂山凝黛色高低
江雨霏霏江草齊
三戶無人自鳥啼
綠楊堤
笑殺山翁醉似泥

遠書歸夢兩悠悠
閑倚南窗盡日愁
手捲蝦須上玉鉤
淚難收
紅葉相隨何處流

蘆家少婦鬱金堂
日日春光鬪日光
勾引花枝笑凭牆
暎垂楊
本是愁人亦斷腸

當時我醉羨人家
肯信流年鬢有華
海燕西飛白日斜
斜對殘花
莫怨春風當自嗟

情愁無意整花鈿
萬事傷心在目前
錦瑟無端五十絃
月明天

繡被焚香獨自眠

濕雲如夢雨如塵
客舍青青柳色新
一片花飛減却春
勸行人莫向天涯金繞身

卽心如妾妾如卽
一度相思一斷腸
塵滿金爐不炷香
向斜陽離恨空隨江水長

爲誰零落爲誰開
小白長紅越女腮
漸老逢春能幾迴
看花回一日須傾三百杯

水紋如縠燕差池
斜日悠揚在柳絲
故國平居有所思
倚闌時却是同袍不得知

鬱金蘇合及都梁
不是金爐舊日香
懶對菱花暈曉粧
細思量欲話因緣恐斷腸

滿庭芳草易黃昏
摘索花枝料峭寒
坐見新池落舊痕
憶王孫

深院無人獨倚門

浣溪紗 集句

花壓闌干春晝長
碧樓紅樹倚斜陽
入門惟覺一庭香
絕壁
過雲開錦繡冰絲彈
月夢清涼
鸞歌鳳舞
斷人腸

浣溪紗 集句

沙渚煙銷翠羽空
楚歌重疊怨蘭叢
樹頭樹底覓殘紅
三百
年間同曉夢
幾家臺榭鳳城東
露桃猶自笑春風

青玉案 春思

昨朝出日今朝雨
望不見愁來路
徑滑泥深妨縱步
美人何處
花謝誰為主
離絃不繫鳴箏柱
但滿眼相思淚
如縷
關塞迢
遞春信
與千重雲水
萬重煙樹
心逐征鴻去

長相思

長相思 長相思 長相思 長相思 長相思 長相思 長相思 長相思 長相思 長相思

煙茫茫草茫茫人去人來來去忙
滄江空夕陽 鳧飛翔鴈飛
翔天路冥冥用路長月明蘆葦涼

生查子 集句

他鄉別故人拭淚攀楊柳此物最相思
皎皎當窗牖留取作秋香出入君懷袖
萬里故園心天地同長久

生查子 集句

青山欲暮時暝色生寒樹不那客愁多
復送王孫去澗戶寂無人暗谷疑風雨
耿耿夜何長月落聞津鼓

生查子 集句

開簾滿地花風起春城暮悲妾似花身
暫向花間語落葉不歸林驚鳥從橫去
獨立傍銀床點點回塘雨

生查子 集句

春風能幾時柳色看猶淺胡蝶夢中飛跡與孤雲遠明月照花
枝入夜愁難遣形影自相憐不及銜泥燕

生查子 集句

新年舊燕歸似與羈魂語不見帳中人空見相思樹水上覓紅
雲片片隨風去薄暮欲如何背注西窻雨

生查子 集句

思君君未歸向夕千愁起兩淚忽成行滴滴空階裏垂柳覆金
堤蕙草生闌地少壯莫輕年白日如流水

生查子 集句

愁多夢不成坐對銀缸曉輕袖拂花粧驚起雙棲鳥出戶獨彷徨
微煙裏看鴻雁日下四山陰轉轉傷懷抱

浣溪沙 集句

語燕鳴鳩白晝長黃蜂紫蝶草花香滄江依舊繞斜陽 泛水
浮萍隨處滿舞風輕絮霎時狂清和院宇麥秋涼

青門引 晚春

數點松梢雨還被晚風吹住免葵燕麥幾家春殘花斷柳難記
舊游處 斜陽滿目空凝竚鬢影三千縷是他枝上蜂蝶紛紛
帶取韶華去

漁父詞五首

采石磯頭煮酒香長干橋畔柳陰涼歌歎乃濯滄浪來往烟波
送夕陽

白鷺洲邊好月明賞心亭下暮潮平紅米飯紫蓴羹自是無愁

過一生

江花江草兩悠悠隨意東西懶即休黃犬恨綠珠愁定應不上

釣魚舟

釣得鱖魚不賣錢
篋既引滿看青天
芳樹下夕陽邊
睡覺蘆花

雪滿船

朝辭蓼渚暮蘆汀
自有沙鷗伴醉醒
塵世裏一浮萍
不着羊裘
動客星

賀新郎 愁思

碧秀天涯草
怨王孫雕輪去遠
玉驄嘶老
風雨餘春無尋處
絮亂花飛
夢杳斷魂與行雲
縈繞赤水珠
沉迷象罔
暗塵深不見
長安道
今夜月為誰好
他鄉事事傷懷抱
更那堪
荒烟暝靄
晚虹斜照
千里關山
勞回首
苔徑殘紅未掃
又恐怕梧桐秋早
玉母宮中
青鳥使想歸來已近
蓬萊島
竹葉酒且傾倒

如夢令

鶯啄垂圓黃透蜂抱碎芳紅
皺睡起北窗風濃綠滿庭如酒回
首回首想見那人消瘦

眼兒媚

芳草簾櫳夕陽紅鶯語綠陰中
王孫何處碧雲千里青鳥無蹤
玉笙吹落天邊月離恨滿西風
忍將清淚化為零兩滴在蘭
叢

虞美人

紅榴花下宜男草色與人俱好
佳人重色愛新花只恐東風漸
急夕陽斜豈知浮豔難長久
看見花枝瘦瑣牕晨啓怨花空
不覺玉顏憔悴減春紅

玉漏遲 初夏

海榴花似火看看又見麥秋時候
枝上鳴蜩斷續一度金奏翠

沼風漪未定看葉底明珠圓溜首徑黝蝦須掛處有人消瘦
緬想那日歡娛是鴻鴈來初芙蓉開後蔓草青蕪但覺暗愁依
舊欲把相思寄與霧烟慘不堪回首凝望久寒鴉自啼疎柳

踏莎行

破暖輕風做寒細雨冥冥飛過空江去客中無物可消愁綠陰
滿院黃鶯語 琴斷朱絃香銷翠縷連天碧草人何處欲乘斜
日望長安傷心煙浪迷南浦

菩薩蠻七首 集句

洞房昨夜秋風起江清露白芙蓉死豈是遠行時與君生別離
千山鳥飛絕隆想彌年月思婦夜鳴砧君聽空外音
東風吹綠瀛洲草去年人到今年老老去願春遲凋傷感所思
攀枝長太息倚樹疑無力正是憶山時愁容鏡獨知

文窓繡戶垂羅幙江南綠水通朱閣花髻玉瓏璁單衫杏子紅
高樓悲獨守日色濃於酒不敢怨春風屏幃向月空

珠簾暮捲西山雨離魂不散烟郊樹暝色赴春愁行處獨倚樓
玉繩迴斷絕卧見雲間月悄悄夜寒生月高風滿城

東流江水西飛燕黃姑織女時相見見少別離多浮生能幾何
梧桐相待老常恐秋風早萬恨在蛾眉傍人那得知

東邊日出西邊雨孤帆夜發瀟湘渚兩浪細無聲煙斜月轉明
清猿不可聽楓落吳江冷更欲向芳洲水深難急流

孤雲目斷蒼梧野無邊落木蕭蕭下茲歲已蹉跎其如芳草何
玉階生白露病骨傷幽素夢好更尋難相思錦帳寒

浣溪沙 即景

雲壓斜暉照樹黃風生水榭綠陰涼渴蛙得雨開池塘 紅燭

射人榴火炫青絲
窳地柳條長捲簾
明月滿迴廊

菩薩蠻

集句贈野人

林中獨酌鄰家酒
門前學種先生柳
灌木自悲吟
風泉清道心
獨行潭底影
蟬噪林逾靜
渡口欲黃昏
殘陽歸掩門

浣溪沙

布谷催耕最可憐
聲聲只在綠楊邊
夕陽江上雨餘天
滿地蓬蒿無舊陌
幾家桑柘有新煙
戰場開盡是何年

卜筮子

春去蝶先知
花落蜂難綴
草綠庭空不見人
愁共天無際
鑿沼種荷看水淺
荷錢細惟有青苔
最可憐
欲上人衣袂

金錢子

五月五日作

雲淡風微江雨欲來
還去倚闌干
鬢霜千縷
白水青蕪是征鴻

歸處望盡天涯夕陽猶在深深樹
艾葉榴花又上阿誰門戶
悄空梁燕雛自語王謝亭臺杳不知何許
獨立蒼茫亂鴉啼滿
城鐘鼓

梁州令

雨過羣山翠楊柳含烟如醉
畫簷雙燕引雛飛風動榴花點點
猩紅碎對花莫抱闌干倚心亂
難爲理夕陽江上滿眼清波
總是愁人淚

最高樓

今宵月還照別離愁愁上最高樓
九霄無路青冥闊玉京風露
冷於秋寶刀裁不斷水東流
誰知道黃梁炊未熟早過了洞
天三十六塵土事幾時休
廣寒桂樹清香好圓光恰滿又成鈎
笑階前萱草浪語忘憂

花犯 秋夜

夜何其星移漏轉涼蟾照無睡寶箏絃斷金鴈與青釭相對憔悴塞鴻過盡人千里餘香怨繡被但滿眼碧雲紅樹闌干空自倚階前暗蛩最殷勤悽悽似向我說他情意蒹露冷相將到曉霜開蓋惟應有素娥未老曾幾見桑田成海水任浪語愁來堪遣君看明鏡裏

西江月

紅葉無風自落黃花過雨猶香床頭塵甕恥空觴添了愁城萬丈閱世身如萍梗懷人夢遶瀟湘應知此恨不尋常豈在眉間目上

卜筮子 詠兩

撇撇度蓮池漠漠昏松隴却過西園拂紫塵柳媚花矜寵泥

潤燕衣沾粉膩蜂須重極目滄江不見人波浪兼天湧

蝶戀花

春夢岑岑呼不起草綠庭空日抱嬌鶯睡暖吹飄香三萬里殘
絲胃斷天沉水寶瑟絃僵誰復理梅子青青苦在心兒裏滿
徑蒼苔花糝地杜鵑口血閨中淚

寫情集卷之三

摸魚兒

晚春

悄寒生沉沉院宇不知春在何處逢春漸老能多少惟有暗愁
無數春又暮但碧草和烟綠葉漫飛絮盡梁燕語還是舊音聲
烏衣巷陌轉盼幾今古天涯路流水青山如故離魂長在郊
樹夜深月暗蒼梧遠化作杜鵑歸去人不見桃花自落空階上
東風未許吹夢過藍橋關河滿目波浪渺南浦

玉樓春

春來觸處花成綺春去可憐花委地催耕布穀彊知時去國杜
鵑空有淚雙魚不見人千里落絮牽愁和夢起芭蕉多事惹
東風故作兩聲驚客耳

惜餘春慢

詠子規

隴水沉沙巴猿咽雨淚盡瀟湘竹死多情怨魄何處飛來聲在
萬重雲裏腸斷行吟放臣去國佳入地遙天邇悄空山月冷風
清惟見野棠如綺 記向日瓊戶珠簾櫻唇簧舌吹商呵徵朱
顏尚在十二闌干回首不堪重倚滄海桑田有時海若未枯愁
應無已到明朝贏得浮花滿樹錦殷霞碎

金人捧露盤

水如藍山如黛草如絲正去年雙燕來時衡門書掩日長惟有
睡相宜午風吹破北窻夢簷影參差 李花開梅花謝榴花放
杏花稀枉教人兩鬢霜垂馮蘭竚立空將愁眼盼斜暉斷雲迢
遞趁征鴈直到天涯

水調歌頭

兩過百花盡綠葉自成惟儵然驚破殘夢何許一黃鸝獨上高

樓凝望不見陽春去處惟見草離離且喜畫梁燕還傍舊巢
理紈扇清竹簟試單衣莫思身外閑事有酒便須揮螻蟻王
侯同盡何用名標竹帛留與後人疑坐久暮天碧月在綠楊枝

玉樓春

江城雨熟黃梅後樓閣清高虛永晝階前夕露寶珠呈葉底夜
蟬金石奏蒼苔不受殘紅覆市徑沿牆欺組綬老來於物總
忘情漫為青山開北牖

歸朝歡

紫燕成雛辭舊宇紅日滿庭雞唱午披襟起遡北窻風綠楊葉
底聞鶯語故人音信阻白蘋吹盡滄江兩倚闌干悠然獨笑暝
色下平楚浮生百歲真羈旅富貴繁華萍梗聚重瞳隆準等
丘墟紫髯桑蓋俱塵土坐來天欲暮烏鴉立遍城頭樹看雲頭

金盤湧出身在廣寒府

傳言玉女 詠蝶

為問韓憑何事化為胡蝶妬風羞雨一身輕似葉園苑晝永麗
日晴烟相接舞回柳眼拍翻花頰 殢粉迷香困酣猶自未愜
錦雲深處更愁濃露浥何況素秋枝上曉霜披鬢祇應無柰翠
銷紅厭

好事近

雨過却斜陽虹外遠山猶濕獨據槁梧高坐待北窻風入可
人嘉樹有清陰蟬噪一何急倦暑盼秋來又恐芳時輕戢

虞美人

東風過了南風起節去如流水日長門掩燕交加可惜紅葵落
盡雨中花 人閒只願花長好花謝人催老老來空有愛花心

無奈斜陽不為駐光陰

訴衷情

相思日日上高樓還是去年秋無情梁上雙燕棄我忽如讐
蟲嘖嘖葉颼颼夜悠悠闌干漫倚塞北江南何地無愁

御街行 秋夕

梧桐滴露鳴金井夜耿耿如年永月明棲鳥數移柯有似佳期
不定華年迅速碧霄迢遞別恨空心領青鸞怕見單棲影任
網遍盤龍鏡盈盈一水隔雙星腸斷羽迷鱗暝消愁憑酒惟應
無奈酒與愁同醒

浣溪沙 槿花

可恠西園木槿花強將孤豔鬪輕霞不知門外夕陽斜應有
斷魂隨蛺蝶豈無幽恨寄寒鴉那堪橫被綠苔遮

玉漏遲

詠鴈

渺長空萬里西風動地鴈來無數早發榆關暮入楚江烟雨逝
水浮花去遠但滿眼黃蘆飛絮腸斷處雲深夢澤月寒湘浦
樓上有个佳人悶倚遍闌干翠眉雙聚淚濕鴉鬢化成素絲千
縷一望一回惆悵又燈暗網蟲垂戶天路阻誰知此情愁苦

滿庭芳

重九

兩歇涼生天高氣爽又是一歲重陽鴈聲來處雲白草茫茫黃
菊知人無酒也不惜減死幽芳龍山上西風暝藹落日下牛羊
登樓何限興一齊分付絡緯寒蟬把古今閑事莫更思量坐
到銀河案戶城角盡月轉空牆凝眸久驚烏蜚起零露濕衣裳

花心動

墻下紅葵向斜陽猶開那時顏色半捲繡簾獨倚雕闌淚眼為

誰長滴九疑煙霧連蓬島蜚魚去渾下無蹤跡舊游處空餘滿地
綠苔堆積 百歲真如過客待落盡重榮不知何夕鏡掩素塵
香歇羅衣此恨怎生消得夜涼月轉梧桐影青燈共踈螢寥寂
正憔悴飢蟲又啼暗壁

小重山 詠月

始暎西軒似玉鈎想應容不得一些愁娟娟斜倚鳳凰樓窺朱
戶應自半含羞 今夜正悠悠玉池金岸總是瀛洲人間天上
一般秋銀潢水何事獨西流

一剪梅

機杼無聲絡緯多天淨雲收月在銀河相思迢遞隔關山鴈短
人遙可柰何 身世悠悠似逝波夢裏嗟咨鏡裏婆婆欲回西
日掛扶桑惆悵陽公不解揮戈

南柯子 詠蓼花

汀苻青絲盡江蓮白羽空翠蕤丹粟炫芳叢總把秋光管領屬
西風 豔敵秦川錦鮮欺楚岸楓鯉魚却下水仙宮肯放斜陽
更向若華東

如夢令

昨夜五更風雨吹盡一汀紅樹曠野寂無人漠漠淡煙荒楚日
暮日暮誰與暝鴉為主

六么令 詠露

淡雲收盡月在蒼龍角霏霏似煙非霧空裏無聲落漢殿仙人
掌冷桂影篩高閣玄蟬皓鶴相呼相喚嗽燕華滋笑丹藥 寒
蟻不分命薄永夜驚離索絡緯也共莎雞吟盡傷心曲只恐韶
年易晚辜負蓬萊約秋容寂寞憑君着意染取楓林賽紅萼

憶舊遊

詠燈花

正良宵過雨玉漏傳聲羅幌無風夢覺青缸裏有金葩璀璨瓊
蕊瓏璵翠翹隱映丹鳳搖曳碧雲中似瑞靄含星輕霞暈月齊
景摘虹 離人最多感况四壁蕭條惟有吟蟲想像長門殿怨
佳期冰泮芳意烟空強將片影相對清淚濕鉛紅但暗自灰心
朱顏判却成老翁

聲聲慢

詠愁

無蹤無跡難語難言依依只在心曲雨冷雲昏日暮海涯天角
輕衾夢回酒醒夜悠悠蟲響燈綠事去也縱相憐不是那時金
屋 鏡裏清揚婉婉凭朱檻知他爲誰顰蹙鳳老桐枯慘淡九峯
青矗湘江淚痕未盡有衰猿相伴幽獨向此際更那堪懷古送

目

念奴嬌

紅樹

霜風弄巧把秋林一夜緊成春苑炎帝騎龍來絳闕紫鳳三千
乘輦電幟揮雲火旗蕤兩靷佩隨瓊憶碧山流水窅然迷却劉
阮 堪笑舊日隋園綺羅塵剪蝶與蜂俱怨對此令人心耿耿
如在鬱華宮殿若木重暉靡泝四照日漾驪珠暖憑高凝睇赤
城相去不遠

採桑子

鴈來不帶天邊信莫上高樓新月如鉤一度看來一度愁 人
間無限傷心事覆水難收風葉颼颼只是商量斷送秋

夜飛鵲

中天舊時月還照元宵山疊疊水遙遙碧雲日暮去無際玉人
何處吹簫東風尚憐故苑儘鶯含脆管柳舞纖腰憑高望斷旋

添清淚作春潮 欲問廣寒音信鯨浪湧魚蜚不到層霄芳徑
蒼苔漸滿瓊軒珠綴空掩蟾蜍幾時再得海棠花底候鳴鑣但
長煙綠樹青蕪暝靄相對竟消

賣花聲

門外綠楊堤有个鶯啼聲聲傳恨入幽閨閨裏佳人驚睡起淚
濕眉低 莫把此情題天也悲懷滄江東下夕陽西華髮不知
人別苦隨意萋萋

院即歸 怨情

河梁携手愴離分悲嘶聲入雲長門蹀兩滴黃昏昭陽歌吹聞
懷故國叫愁菟淚花紅欲焚蒼梧苦霧壓湘筠猿啼不見君
鵝練飛

煙漠漠日陰陰山色蒼茫草色深客裏不知春又半倚闌無語

聽鳴禽

阮郎歸

寥寥庭館暮寒時
四簷鳴雨垂
博山沉水吐遊絲
玉釭花燼微
蟾影淺漏聲遲
愁多成夢稀
客行雖好不如歸
有懷當語誰

賣花聲

樓上倚闌干
月在雲端輕
烟蜚盡碧綃
寒腸斷夕陽芳草外
山濤漫漫柳嫩不堪攀
欲寄應難盤
龍塵匣怨孤鸞
可惜嬋娟
今夜月好共誰看

長相思

風颼颼
雨颼颼
風雨凄寒似九秋
釀成千斛愁
花事休
春事休
漫把花枝插滿頭
勸春須少留

玉樓春

東風白下橋邊道不見百花惟見草陰雲結暝燕來難宿雨留
寒春去早渚蒲汀荇無煩惱舞葉吹香隨處好相思一夜楚
江空滿地綠苔蜂蝶老

醉落魄

東風太惡夜來盡把花吹落餘寒燕子烏衣薄對語空梁似歎
人離索江山滿眼今非昨無情芳草年年綠霧雲不見遼東
鶴野鳥聲聲只叫思歸樂

解語花

詠柳

依依旋旋嫋嫋娟娟生態真無比細腰宮裏和煙重組繪滿園
桃李佳人睡起畫朱了橫雲嫵媚輕步還憐掌中身不自勝紈
綺長想渭城兩綫纒繫絲難綰陌上征騎陽關歌罷香塵遠
難拋翠棹拚寄鴉啼向晚羅幕掩數行清淚一任他花作浮萍

標蕩隨流水

驀山溪

蘇軾

夜闌人靜鳴玉傳聲小
歷歷透紗窓
悄空閨衾寒夢杳
淒淒切切如共旅
覓言流水咽
過雲停一昔腸千繞
金莖月轉烏尾訛
將曉欲斷又還連
渺烟霄羈鴻相吊
憑誰細寫此意
入朱絲呼鄂客
招湘靈添作江南調

梅花引

晚雲凝晚煙
橫煙草茫茫雲樹平
杜鵑聲不堪聽
別淚暗傾良宵空
月明冰蠶絲斷
琅玕折湘妃竹死
青冥裂短長亭
幾千程歸計未成
愁隨江水生

浣溪沙

秋思

細雨斜風拂面來
草黃雲白鴈聲哀
錦江東去幾時回
楓葉

有霜纔可愛菊花無酒不須開
百年多病莫登臺

憶舊遊

閨怨

掩重門夜靜庭戶幽幽
驀地聞砧杵不知何處是雲間
過響空外傳音故鄉未上歸日
樓薄愧飛沉漫對月興懷臨風
起歎惻愴傷心登高盼來鴈想
此際孤幃幾度停針相帶圍寬
減向誰人借問無計追尋但將
數點清淚滴在紫羅襟更倚遍
朱闌滿頭素絲應自今

浪淘沙

閨怨

白日墮林端庭宇生寒
黃蘆風急鴈來難階下露珠眉下淚
相賽沈瀾寂寞掩重關
坐到更闌月華雖好不堪看
舊恨新愁都有幾地窄天寬

望江南

無情身卷三十一
黃昏兩滴瀝四簷聲陡爲衾裯添宿潤都來肺腑作愁城惟覺
寐難成 單棲鳥幾度繞枝鳴金獸有烟飛不起玉蟲無燄翳
還明誰識此時情

擣練子

人寂寂夜沉沉風滿中庭月滿林欲挽銀河湔淚眼銀河清淺
淚痕深

臨江仙

閨怨

織女機邊如鏡月夜深長照空幃玉笙簧冷鳳孤飛苔階行遍
霜露剥裳衣 華表柱頭雙白鶴不知何日來歸故山今在故
人稀沈思似夢垂涕掩朱扉

尉遲盃

水仙花

凌波步怨赤鯉不與傳檝素空將淚滴珠瓊脈脈含情無語瓊

臺路永環佩冷江皋荻花雨把清魂化作孤英滿懷幽恨誰訴
長夜送月迎風多應被彤闈紫殿人妬三島鯨濤迷天地歡
會處都成間阻淒涼對冰壺玉井又還怕祁寒凋翠羽盼瀟湘
鳳杳篁枯賞心惟有青女

蒲路花

山煙掠草低江月披雲濕闌聲宵未了鍾聲急寒鴉何事獨在
枝頭立老來諸病集客裏光陰駛如馳馬難繫 懷新思故記
一長遺十頽墉圍廢宇憑誰葺階前冷露似向離人泣歲暮蛟
龍蟄干將掛壁任他苔鏽生澀

喜遷鶯 梅花

凍雲初啓看的皜梅花俯窺清泚膏澤無加鉛華不御應與素
娥爭麗豔浥藥宮露冷香引瑤池風細夜耿耿想飛瓊欲下縞

魚州集卷三十一
衣搖曳 驚慨猶記得月榭春宵錦障開芳砌倚樹聯詩擷
浮酒左右翠翹珠悅今日故人何在腸斷白波東逝向此際但
含情獨立爲伊凝睇

水龍吟 夜聞銅餅湯響作

玉釭開盡丹葩畫簷深宿蟾蜍影門掩清宵聲來何處堂空人
靜如竹梳風如荷過雨如泉發并向羅幃細細如歌如語還如
暗蟲相命 繡被沉薰正暖夢雲車紫鶴雙竝洞庭曠野九韶
齊奏殷天笙磬別有蛾眉鼓琴彈瑟江鳴山應待脩然睡覺爐
存餘爇雞啼窻罔

雨中花 晚思

月入疎松光的爍淡煙瑣江城夜寂問何處無愁人間今古莫
作他鄉客 月裏青鸞空有翼香不見姮娥消息但北斗從橫

銀河清淺重露成涓滴

菩薩蠻

冰嘶着樹成雲朶林梢白月歆將墮月下
有啼鳥如悲良夜徂
蘭芳銷翠被淒惻驚眠起起坐待天明
飛霜入髮清

怨王孫

鱗羽路阻佳人何處木落山寒江空
歲暮明鏡飛上青天照無
眠海風裂地鯨魚死三萬里水擊蓬萊
徒不禁清淚暗裏灑
向孤燈結成冰

錦堂春

牆角含霜樹靜樓頭作雪雲垂鈎
簾鵲噪空庭晚坐看月來時
異域書迷雁足幽閨鏡掩蟲絲
一宵兩地腸千轉惟有夢魂

知

浣溪沙

煙慘雲黃天雨沙葉踈枝冷叫樓鴉峭風凝霧作琪花
空捐遊子佩河源不返客星槎夜冷坐聽鼓三槓

玉燭新 夢歸

羈魂悲別久但悶曉憂昏感新懷舊任他萬壑千峯阻徑度不
勞回首樓臺側畔記向日新栽花柳斜照裏一帶青山山前翠
浮瓊溜 佳人倩笑來迎有野舞村歌亂童船叟故池半甃風
葉動攪亂數升科斗周章未了早盡角吹殘更漏翻惹起無限
愁端中心自受

臨江仙

樓外西風將雨過重門又掩黃昏金鳧香息被無溫繁思牽宿
恨悒夢愴離魂 往事都隨流水去傷心欲共誰論故家耆舊

幾人存相思芳歲盡霜雪滿乾坤

清平樂

春風欲到小草先知道黃入新萸顏色好
圖遣王孫歸早興
來策杖微行枝間布穀初鳴喜見兒童相報
墻根薺菜先生

寫情集卷之三

東洋傳卷三十一

寫情集卷之四

錦堂春

鵲噪輕陰乍霽鳩鳴冷雨還來不知春到多時了
渾未見花開
老景夕陽有限華年逝水無回相思一夜蘭膏歇
清淚滴瓊瑰

蘇幕遮

雨瀟瀟風嫋嫋柔夢相牽不覺春牕曉
鴈到衡陽回去了鏡裏
離鸞獨對琴臺老
楚天長秦樹杳山蹙愁眉江學回腸繞
滿地蒼煙連碧草弱水三千人隔蓬萊島

蝶戀花

白水茫茫烟渺渺原野高低觸處生芳草
草綠花紅人自老有
情爭似無情好
喪亂餘身歡意少腸斷江山不肯留殘照
門

掩黃昏寒料峭角聲吹起雙棲鳥

洞仙歌

春夢

濛濛漠漠杳不知根蒂蕩漾春光去無際盼神仙縹緲烟藹蒼
茫身到處惟有天風引袂故人千萬里驀地相逢忘了關山
路迢迢聚散未分明兩眩雲酣空回首已迷塵世但擁被追尋
恍如遺懣不覺雞鳴若華東啓

風入松

一天煙藹醞愁陰庭宇沉沉畫梁燕子來何晚薄寒猶戀羅衾
但道青春未謝不知芳徑苔深少年歡笑夢中尋落得傷心
蒼梧鳳去幽篁死斷絃空繫瑤琴莫更登高望遠杜鵑聲在雲
林

祝英臺近

問青青河畔草能得幾時好春去難留鏡掩鸞空老淒涼深院
黃昏新愁陳恨趁風雨一齊來到霧雲香漫有千丈遊絲那
堪繫殘照羅幙寒生哽咽子規叫斷腸只是緣愁柔腸數寸怎
禁得許多煩惱

摸魚兒

斷腸花已隨流水青苔空鎖深院知人不似花重好莫恠爲花
留戀花不管任啼鴉悲鳴覆錦成霜霰水遙山遠淚滴翠綃寒
滿天風雨寂寞送書鴈傷心事縱是生來見慣那堪芳歲先
晚孤雲目盡蒼梧野留得竹枝歌怨簾莫捲斜照裏荒烟白草
愁何限情長意短蟲響又黃昏沈沈夜永惟有月華滿

小重山

月滿江城秋夜長西風吹不斷桂花香碧天如水露華涼人不

見有淚在羅裳 何許鴈南翔堪憐一片影落孤房百年浮世
事難量空回首天闊海茫茫

點絳脣

昨夜三更井梧葉上聞鳴兩夢魂空去不到思量處爲問燈花
底向愁人吐花無語星河滿樹白髮三千縷

菩薩蠻

月華泛灩秋塘草羈蟲露泣芙蓉老空館夜聞砧難爲客子心
故鄉何處在雲白天黏海天海共蒼茫何時還故鄉

一萼紅 送別

白蘋洲有蘆花似雪人在木蘭舟祖帳方開驪歌未闋斜照半
入江樓話不了纏綿意緒早歸鴻相喚落沙頭紅蓼丹楓青煙
碧草總爲供愁 此去幾時重見恨穠華易謝零雨難收洛浦

波空渭城柳盡欲飲還又回眸恨只恨無情海水趁歸風輒向西流畢竟難留一宵長似三秋

生查子

蜘蛛網畫簷一日絲千轉紅燼落寒缸心死無由見湖上采蓮歸苦意知何限引領望佳期征旆天邊遠

霜葉飛

簾涼宵永紗窻外琅玕飄墜金井欲眠深恐寐難成彊起看星影悄不覺天回斗柄封狼弧矢相輝暎對此默消魂又露落青冥漸漸濕透衣領河漢有客乘槎清都非遠可惜魚羽無定桂華吹散廣寒風兔老蟾蜍冷但唧唧飢蟲啼暝中心撩亂誰能整坐待雄雞三唱颯颯霜鬢怕臨青鏡

浣溪沙

半畝荒園自看鋤
雨中時復擷新蔬
不須彈鋏歎無魚
早息
機心勞役少
懶聞世事往來疎
清風明月總贏餘

擣練子

雲淡淡月娟娟
雲月朦朧照不眠
寧是不眠休作夢
夢時歡喜
覺時憐

擣練子

吳苑樹楚江楓
一樣秋光兩不同
莫道衰榮長定在
落花終古
怨東風

江神子

城頭吹角夜沉沉
有棲禽出踈林
衝落滿庭珠露滴
衣襟身在
吳江家在越
南北事兩關心
人生莫遣二毛侵
病相尋
老駸駸
駸漫好青山綠水
懶登臨
千古鍾期今已矣
空恹恹對瑤琴

南柯子 送別

送別滄江永傷心落日曛寶箏絃斷鴈離群最苦愁濃酒淡不成醖黃葉淒涼月丹楓索漠雲重來此地却思君但覺驪歌猶在耳中聞

桃源憶故人

淵明籬下黃金盞還共空尊憔悴今古這般滋味想得都相似牛山落日悲風起回首舊歡無幾長夜清涼如水獨立星河裏

六么令

杪秋遙夜人卧群喧息明河漸低庭戶戶有蟬蛸織何許飛來鴈陣衝入寒煙碧相思何極悲來空自目斷雲霄羨歸翼青鐙獨照暗壁脈脈羈魂寂堪恨冷夢難長欲見無由得年少不

知過了老去徒嗟惜
追尋疇昔愁如流水渺渺茫茫趁潮汐

一剪梅

征鴈來時木葉紅
淡淡秋光嫋嫋西風
江南江北短長亭
煙草低迷落照中
浮世生涯一轉蓬
今日韶顏明日衰翁
五丁難挽逝川回
千古英雄此恨都同

蝶戀花

冷雨淒風昏白晝
庭院幽幽秋草沿墻秀
何處無愁仍有酒可
憐彭澤門前柳
老去情懷難似舊
貌殊言異轉使人看醜
漫摘黃金花在手
寒煙滿眼空回首

浣溪沙

詠雞冠花

絳幘雞人紫綺裘
彤墀欲報五更籌
不勝嬌冶立清秋
日影却穿雲氣入
虹光猶帶露華流
三千紅粉總凝眸

風流子 詠草

雪盡水平津萋萋處風景最愁人想金勒未歸繡幃深閉玉顏
自老芳意徒新送日挽煙千萬里迤邐際蒼旻蜀魄叫迷楚魂
思殢碧雲如夢眉黛空顰淒涼長門殿飛花與清淚共滴華
茵惟有亂螢時來夕砌相親恨此身不化柔條弱蔓暗隨靈雨
得到楓宸窻掩黃昏一生幾度青春

蘭陵王

問明月何苦纔圓便缺青冥裏風慘露淒長向人間照離別玄
陰凋暮節瑤井冰澌暗結闌干外河漢漸低星影輝輝動城闕
重裘冷如鐵看頭上春雲都作飛雪銀釭花落銅壺咽傷懷
已無柰暝鴉多事啼遍寒枝未肯歇寸心自摧折 忉怛望天
末恨正抵滄江煙浪空闊文魚翼短沉書札淚滴在衣袂盡成

清血羈愁恰似庭草枯了又更茁

踏莎行 詠遊絲

弱不勝煙嬌難着雨如何縮得春光住甫能振迅入雲霄又還
旖旎隨風去高拂樓臺低黏花絮如狂似醉無歸處黃蜂粉
蝶漫輕盈也應未敢窺芳樹

青門引

采采黃金藥遙見晚山橫翠重門深掩一庭風沽來淡酒能得
幾回醉草黃雲白鴻千里落日寒煙起相憐自有明月照人
肺腑清如水

浣溪沙

不寐淒寒剝瘦肌聞鐘驚起攬裳衣恰如久戍得歸時斜漢
隔山牽月落小禽出樹掠霜飛濛濛輕藹暈朝暉

浪淘沙

門外幾多春，特地愁人。紅英都作馬蹄塵。只有青青河畔草，一似相親。極目楚江濱，流水無津。野猿山鳥怨芳辰。叫雨呼雲昏復曉，天也傷神。

疎影

分韻詠荷花得實字

琴薰應律有細煙，罨雨濃露晞日。洛浦波生湘渚，風交霓裳水佩。爭出姮娥欲共青鸞舞，颺錦幕香霏。紈質喚海童齊捧，驪珠豔色蕩，搖鮫室。遙想麻姑壇上翠霞，與縞袂相伴。蕭瑟妖冶珊瑚柔媚，昌宗敢污天然清謚。西峯玉井秋河近，看葉底蜂房成蜜。爲君摘向金尊，壓倒楚江萍實。

花心動

煙雨池塘，照花枝垂垂。向人如泣。燕子乍歸，簾幕餘寒語。困盡

梁雙立曉光搖帳驚眠起鶯簧猶澁斷腸處絲繁絮亂子規聲
急只恐芳時易戢便不待秋風粉銷香浥半掩綺窗深鎖重
門天靜月華將入素琴彈盡離鳳調淒風與愁雲交集夜迢迢
羅襟舊痕又濕

卜筮子

白日下層岑青靄生寒水水遠山長不見人月上風微起何
許一孤鴻飛去瀟湘沚欲採蘋花寄所思無處尋雙鯉

瑞龍吟

秋光好無柰錦帳香銷綉幃寒早鈎簾人立西風送書過鴈依
然又到故鄉杳空把淚隨江水夢縈池草何時賦得歸來倚
松對柳開尊醉倒衰鬢不堪臨鏡鏡中愁見蓬飛燕繞門外
遠山青青長帶斜照石泉澗月辜負夜猿嘯傷心處楓凋露渚

荷枯烟沼燕去玄蟬老滿天細雨鳴羈鳥花蔓當簷長庭院靜
遙聞清砧聲擣擁衾背壁一燈紅小

渡江雲

西風吹楚甸西山淨綠萬籟起秋聲捲簾當晚霽齊倚遍闌干悵
惻望鄉情紫桑舊菊為誰猶擢金英愁對他一江流水袞袞向
東傾 淒清天邊孤鴈甚處飛來到中庭落影雲路遙歸程難
計離恨空縈斜陽冉冉低喬木但暝色搖動簷楹還又見花間
露滴瑤瓊

帝臺春

涼雨新沐秋花遍墻角門對遠山山帶斜陽恁龍相屬明月今
宵已自滿又爭柰素娥幽獨向天涯望月興懷愁多如簇 年
歲促歡去速意易足事難續鏡掩懶重開縱春風也不解染黃

無情壽老日 一

成綠隴首孤雲去無際
草上露華白如玉且深下
紅簾倒金樽

醞醖

浣溪沙

娟娟西風吹草黃
踈踈零雨泫花粧
驚寒鸚鵡喚人忙
鴈影兩行衝月落
蛩聲一部和更長
博山煙冷思茫茫

千秋歲 送別

淡烟平楚又送王孫去
花有淚鶯無語
芭蕉心一寸楊柳絲千
縷今夜雨定應化作相思樹
憶昔歡游處觸自成前古
良會知何許百盃落酒三疊陽關句
情未了月明潮上迷津渚

驀山溪

三更鳴雨濕透桃花臉
珠箔未登鈎早飄落猩紅數點
碧雲如夢人去已無蹤
金泥鳳玉蟠龍寂寞蛛絲檢
玄華柔軟總被

秋霜染深夜擁寒衾取青鐙膏凝暈閃銅壺漏水應是接天河
一聲去一聲來空把重門掩

長相思 嘉興道中

草青青麥青青草穗高低麥穗平黃花相問明 山禽鳴水禽
鳴禽鳥與人同有情不堪聞此聲

浣溪沙

春半江城不見花也無楊柳可藏鴉青烟碧草到天涯 過雨
郊原啼布穀始雷池沼出鳴蛙清明寒食客思家

摸魚兒

洒軒窗數聲疎雨霎時驅退殘暑碧江風過龍鱗起天際白雲
如絮人老去但說道秋來先自傷心緒故鄉何處望不見淵明
菊荒三徑盡日漫凝佇 新涼夜兒影澄清漢渚寂寂鴻鴈飛

度莎雞絡緯閑相妬
催得鬢絲千縷
芳草渡還又是蒼烟綠水
連紅樹
榮名幾許隨分莫求多
五湖有路波浪未應阻

祝英臺近

翠烟收珠露下星漢共瀟洒
桂影徘徊白雪粲
簷瓦故鄉渺渺
青山茫茫綠水又爭柰
流年如瀉
嫩涼夜尚有萱草餘花芳
菲臺榭銅篆香殘
絳蠟散輕燧
謾說忘解
忘憂憂多花少更不
分被風吹謝

怨王孫

免鳧又滿天長鴈短露槿驚寒夜
蟬怨晚知有多少
閑愁在心頭
白雲飛盡秋無際
花滿砌
鍾鼓重門閉
前年舊事轉盼已
逐東流水悠悠

二郎神

捲簾邀見漸夜冰涼生珍簟看露出青莎烟凝碧樹的皜殘螢
數點老景逢秋兼多病怎免得長懷短念辜負却故園千山松
桂一池菱芡 門掩寂寥滿地餘花紅糝曉翠被香収玉觴塵
沈背壁蘭缸自閃馬角不生烏頭難素心伴風旌長颺休恠他
敗葉寒蟄相應替人悽慘

霜葉飛 七夕

鯉魚風起津梁斷盈盈一水難渡藕花相向自成蓮誰道中心
苦又不覺明星在戶鵲橋橫跨黃姑渚怕喜極悲生似那日忽
忽再把歡咲辜負 堪恨桂闕姮娥乘雲駮霧便踏龍尾先去
碧鷄啼罷鳳樓寒早漏聲催鼓盼綉壁香車駕了踟躕欲上頻
四顧但暗滴真珠教向人間散成飛雨

少年遊

清風收雨輕雲漏月涼氣入幽窻亂葉吟朝飢虫啼夜各自奏
新腔 孤鴻又向天邊落歸夢阻滄江百結愁腸兩行絲鬢寂
寞對清缸

小重山

說道多憂解瘦人眼中雙別淚怕沾巾白蘋紅蓼滿江濱空搔
首何處是歸津 感舊却怜新情懷都不似少年春野花園柳
共埃塵盈尊酒取醉莫辭頻

漁歌子 為趙德懷賦

麥秀蘄蘄野雉飛沙頭新柳葉如眉風澹蕩水漣漪正是溪魚
上釣時

二月桃花紫錦香一聲啼鳩萬蜂忙歌款乃濯滄浪有酒無愁
醉不妨

烟雨樓前溪水生少微山下雜花明
楊柳岸小舟橫綠陰如暝
聽啼鶯

漠漠風花撲面飛萋萋烟草送人歸
彭澤菊首陽薇白酒蒼苔
獨掩扉

雨聲一夜水漫沙垤鶴長鳴
蟻出窠汀荇葉石楠花隨意漂流
擁釣槎

蒼嶺松花結子成南明山色翠相迎
游客思故人情不是陽關
墮淚聲

三寸時魚碧玉鱗一汀芳草綠羅茵
楓葉渚荻花津咲殺黃埃
馬上人

滿庭芳 清明

積雨沉春昏烟耐晝不知還
又清明榆錢柳絮相逐聞
輕風芳

徑莓苔漸滿青蘋
白芷俱生疎籬畔
海棠間竹有
个鶉鳩鳴
寬心應是酒酒衝愁陣
彊似竒兵愛星星
白髮知我生平底
用登樓看鏡誤身世
只是虛名空凝佇
落花如雪雲霧瑣高城